

2

72

SYNODUS DIOECESANA S. SEVERI

AB ILLUSTR. ^{mo} ET REVER. ^{mo} DOMINO
FR. ADEODATO
SUMMANTICO,

Expriore Generali Ordinis Eremitarum S. Augustini;
Diœ Civitatis Episcopo celebrata in ejus Cathedra-
li Ecclesia diebus trigesima, & ultima
mensis Octobris, & prima Novembris
Anno Domini MDCCXX.



BENEVENTI MDCCXXI.

Ex Typographia Archiepiscopali,

Dono Illm. et Rev. P. Ind. Diaconi de Nicastro.



EDICTUM INDICTIVUM³ SYNODI.

FR. ADEODATUS SUMMANTICUS

Ordinis Eremitarum S. Augustini, Dei, & Apostolicæ
Sedis gratia Episcopus S. Severi,
& Civitaten.



*U*M præcipuum sit Pastoris officium
oves sibi commissas ad salubria ducere
pascua, ut salubriora possint in æter-
nis invenire Tabernaculis; in susce-
pti a nobis Episcopatus primordiis gre-
gem curæ nostræ commissum personali-
ter visitare, ac Diocesim universam
pluries perlustrare nequaquam distu-
limus. Et quanquam in hac exercitatione positi conditio-
nes subditorum, populorumque mores dignoscens, non-
nullas vitiorum plantagines evulsumus, abusus destruxi-
mus, scandala, & corruptelas, divina protegente gratia
dispertimus, & dissipavimus, ac opere, & sermone virtu-
tes in fidelium mentes edificantes, Christianam plantare
disciplinam non cessavimus; persepe tamen calculorum
dolore correpti, lethali bus vexati infirmitatibus, Epi-
scopii restoratione præpediti, ac persecutionum fluctibus
usque ad animam agitati, nostræ conscientie, & deside-
rio in celebranda Diocesana Synodo a Sanctis instituta
Patribus, & a Concilio Tridentino præcepta, satisfacere
nondum potuimus. Hisce tamen temporibus, in quibus
aliquali fruimur pace, & salute, nolentes tam pium,
A 2 per-


pernecessarium; ac Nobis injunctum opus in posterum
 amplius differre, ut validius peracta consolidentur, &
 que nova reparatione, & reformatione indigent, quam-
 primum pro viribus restaurentur; nostram primam Syn-
 odum, adjuvante Deo, convocare, & celebrare decrevi-
 mus. Peramanter in primis nostram invitantes Capitulu-
 lum, universis proinde, ac singulis, & quibuscunque Ec-
 clestasticis tam de Civitate, quàm de ceteris Diœcesis no-
 stra locis, sive Presbyteris, sive Clericis tam in Sacris,
 quàm in minoribus Ordinibus constitutis, beneficia cu-
 rata, & sine cura possidentibus, aliisque omnibus adhuc
 Regularibus, qui forsàn de jure, vel consuetudine ad se
 se tenentur, in virtute Sanctæ Obedientiæ, necnon sub
 pœnis per Sacros Canones injunctis, & aliis arbitrio no-
 stro infligendis, præcipimus, & mandamus, ut die trige-
 sima currentis mensis Octobris, quam pro Synodo incho-
 anda signanter indicimus cum duobus aliis subsequenti-
 bus diebus clericali habitu talari induti, ac aliis indu-
 mentis, & signis eorum muneribus, & ordinibus respectivè
 congruentibus instructi, in nostram Cathedralẽ Ecclesiã
 summo mane conveniant, neque verò pro se alios mit-
 tant, dummodò non sint, legitima per Nos cognita causa,
 impediti. Ut autem id exactius ad Omnipotentis Dei lau-
 dem, & gloriam, ac animarum salutem perfici queat, omnes
 enixè tam de Clero, quàm de populo in Domino obse-
 cramus, ut jejuniis, orationibus, Sacramentorum fre-
 quentia, ac Sacrificiis a Patre luminum auxilium No-
 bis impetrent, & seipsos hostias Deo acceptabiles exhibeant.
 Qua de causa a Clemente XI Regnante humiliter ple-
 narias indulgentias petivimus, & singulis Christi fide-
 libus Sacramentis Penitentia, ac Eucharistiæ præmuni-
 tis, & nostram Cathedralẽ in una ex tribus diebus in-
 dictis visitantibus obtinuvimus. Volumus autem, ut hac

5
*Synodus indictio affixa valvis tam Ecclesie Cathedralis
lis, quam Parochialium Civitatis, & Diocesis omnes, &
singulos afficiat, ac si fuisset singulis personaliter intima-
ta. Datum S. Severi ex nostro Episcopio hac die 16
mensis Octobris 1720.*

**FR. ADEODATUS EPISC. S. SEVERI,
ET CIVITATEN.**

Abbas Augustinus Cozzius Secr.

PRI.



PRIMA SYNODUS⁷ DIOECESANA

H A B I T A

AB ILLUSTRIS., ET REVERENDIS. DOM.

F R. A D E O D A T O

S U M M A N T I C O

Episcopo S. Severi.

In nomine Sanctissimæ, atque Individuæ Trinitatis,
Patris, & Filii, & Spiritus Sancti, B. Mariæ semper
Virginis, Sanctorum Severi, & Severini Patronorum,
aliorumque Sanctorum, &c.

FR. ADEODATUS SUMMANTICUS

Olim Prior Generalis totius Ordinis Eremitarum S.

Augustini, Dei, & S. Sedis Apostolica gratia

Episcopus S. Severi, & Civitaten.

INJUNCTUM Nobis Episcopatus onus exposcit, ut ad
ea, quæ ad Ecclesiasticam disciplinam, morumque
reformationem conferunt, animum seriò dirigamus. In
his enim remedium potissimum parare decet, in quibus
animarum salutem Nobis commissarum magis periclitari
comperimus; ne ex his, quos Sancta Apostoli-
ca Sedes nostræ vigilantia destinavit, quenkam per-
damus. Non aliud equidem Oecumenica, & Generalia
Concilia, dum Synodorum celebrationem edixerunt,
inspexere, nisi Ecclesiastici ordinis decus, morum com-
positionem, ac Fidei puritatem, ut scilicet tribuli, &
spinæ ab agro Domini evellantur, & frumentum purum
ser-

servetur in horreo Militantis Ecclesiæ. Ad hæc itaque Nostræ Pastoralis sollicitudinis aciem convertentes, nostræ Cathedralis Ecclesiæ Dignitates, Canonicos, & Abbates, necnon Parochos tam Civitatis, quàm Diœcesis, aliosque, prout de jure, & consuetudine duximus convocandos, cum quibus matura super his, quæ correctione, & reformatione indigent, habita discussione, quæ sequuntur, prout ex alto Nobis datum est ordinanda, & statuenda censuimus.

DECRETUM

DE EXAMINATORIBUS, ET JUDICIBUS SYNODALIBUS

Sacrosancti Concilii Tridentini Sanctionibus obsequentes, proponimus Vobis hos viros pietate, & doctrina præstantes, qui Examinatorum Officio fungantur, quoad altera Synodus habeatur.

EXAMINATORES SYNODALES.

Adm. Rev. Sac. Theol., & U. J. D.]	
D. Nicolaus Fania Canonicus]	DIGNITATES,
Pœnitentiarius, ac noster Vicarius Generalis.]	&
Adm. Rev. U. J. D. D. Nicolaus]	<i>Canonici respective</i>
Scorza Archidiaconus.]	<i>nostræ Ecclesiæ</i>
Adm. Rev. D. Dominicus Giar-]	<i>Cathedralis.</i>
nieri Archipresbyter.]	
Adm. Rev. D. Franciscus Sum-]	
manticus Primicerius.]	

Adm.

Adm. Rev. U.J.D. D. Joseph Bel-]
linus Abbas Mitratus , Canoni-]
cus Theologus , & Decanus.]
Adm. Rev. Canonicus D. Michael]
Grimaldus in Sacra Theologia]
Licentiatuſ.]
Reverendiſs. P.D. Hieronymus Ma-]
rinus Abbas Cœleſtinorum.]
Rev. D. Joſeph de Magris Archi-]
presbyter S. Severini.]
Rev. D. Petrus Antonius Trotti]
Archipresbyter S. Nicolai.]
Rev. D. Hyacinthus Orciuolus]
Archipresbyter S. Joh: Baptiſtæ.]
Rev. U.J.D. D. Octavius Manup-]
pelluſ olim Archipresbyter San-]
ctæ Mariæ Turriſ Majoriſ.]

] Eccleſiarum Paro-
chialiũ Civi-
tatiſ.

IN JUDICES SYNODALES.

Ejuſdem Sacri Concilii Tridentini , ac Bonifacii Papa VIII, necnon aliorum Summorum Pontificum Conſtitutionibuſ inbarendo , inſcripſit Juſdiceſ , quibuſ cauſa per Sedem Apoſtolicam delegari poſſint, & in Regularium Conſervatoreſ eligi valeant, ad prædictarum Sanctionum tenorem Vobis proponimus , & eligimus

Dom. Canonicum Nicolaum Fania Vicarium General:
Dom. Archidiaconum Nicolaum Scorzia , &
Dom. Canonicum Joſeph Bellinum.



CAPUT PRIMUM

De Fide Catholica, ejusque Professione.



CATHOLICÆ Fidei, quæ salutarium virtutum omnium radix est, & fundamentum, sine qua nemo salvus esse potest, juxta præscriptum *Sac. Concil. Trid.*, & *Pii IV Constitutionem* coram Nobis, aut Vicario nostro Generali, necnon coram Capitulo Professionem emittere tenentur quicunque Dignitatem, Canonicatum, aut Abbatiam in nostra Cathedrali Ecclesia sunt adepti, ante possessionem capiendam, si præsentem sint; si verò absentes intra duos menses computandos a die adeptæ possessionis: necnon, qui Beneficia cum cura Animarum, sive Parochi sint, sive Oeconomii deputati vacantibus Parochiis, aut sine cura consequuntur; alias fructus suos minimè facere sciant.

Verbi Dei Prædicatores, si fuerint Seculares, antequam ad Conciones mittantur, Fidei Professionem facere debent. Regulares verò testimonium nobis Professionis Fidei emissæ coram suis Superioribus, dum se

se conferunt pro benedictione accipienda, exhibere cō-
nebuntur; aliās non admittentur.

Similiter illos, qui scientias, aliaque facultates
sive domi privatim, sive publicè docent, necnon me-
dicam exercentes ad eandem Fidei Professionem emit-
tendam obligatos esse volumus. Quibus etiam obser-
vantiam Constitutionis Sancti Pii V. incipientis *Super
Gregem* seriò injungimus: strictè præcipientes Par-
ochis, ut, si quos habeant intra suæ Parœciæ fines de his
hominum generibus, quamprimum referant, an huic
nostro Decreto satisfecerint.

Volumus autem Nomina, Cognomina, Patriam,
Gradus, & Professiones eorum, qui coram Nobis, vel
Vicario nostro Fidei Professionem fecerint, in libro ad
hunc usum destinato per Cancellarium nostrum adno-
tari, & librum in Archiviò Episcopali diligenter asser-
vari. Contrafacientes verò pœnas per Sac. Conc. Trid.
statutas incurrant.

FORMULA PROFESSIONIS FIDEI.

I Go N. N. firma Fide credo, & profiteor omnia, &
singula, quæ continentur in Symbolo Fidei, quo
Sancta Romana Ecclesia utitur, videlicet: Credo in
unum Deum Patrem omnipotentem, Factorem Cœli,
& Terræ, visibilium omnium, & invisibilium: Et in
unum Dominum Jesum Christum Filium Dei unigeni-
tum, & ex Patre natum ante omnia Sæcula: Deum de
Deo, Lumen de Lumine, Deum verum de Deo, vero:
Genitum, non factum, Consubstantialem Patri, per
quem omnia facta sunt: Qui propter nos homines, &
propter nostram salutem descendit de Cœlis: Et incar-
natus

natus est de Spiritu Sancto ex Maria Virgine, & Homo factus est : Crucifixus etiam pro Nobis sub Pontio Pilato, passus, & sepultus est : Et resurrexit tertia die secundum Scripturas : Et ascendit in Cælum, sedet ad dexteram Patris : Et iterum venturus est cum gloria judicare vivos, & mortuos, cujus Regni non erit finis : Et in Spiritum Sanctum Dominum, & vivificantem, qui ex Patre, Filioque procedit : Qui cum Patre, & Filio simul adoratur, & conglorificatur : Qui locutus est per Prophetas : Et unam Sanctam Catholicam, & Apostolicam Ecclesiam : Confiteor unum Baptisma in remissionem peccatorum : Et expecto resurrectionem mortuorum, & vitam venturi Seculi. Amen. Apostolicas, & Ecclesiasticas traditiones, reliquasve ejusdem Ecclesiæ observationes, & constitutiones firmissimè admitto, & amplector. Item Sacram Scripturam juxta eum sensum, quem tenuit, & tenet Sancta Mater Ecclesia, cujus est judicare de vero sensu, & interpretatione Sacrarum Scripturarum, admitto, nec eam unquam, nisi juxta unanimum consensum Patrum accipiam, & intepretabor. Profiteor quoque Septem esse verè, & propriè Sacramenta novæ Legis a Jesu Christo Domino nostro instituta, atque ad salutem humani Generis, licet non omnia singulis necessaria, scilicet : Baptismum, Confirmationem, Eucharistiam, Pœnitentiam, Extremam unctionem, Ordinem, & Matrimonium, illaque gratiam conferre : & ex his Baptismum, Confirmationem, & Ordinem sine sacrilegio reiterari non posse. Receptos quoque, & approbatos Ecclesie Catholice Ritus in supradictorum omnium Sacramentorum solemnè administratione recipio, & admitto. Omnia, & singula, quæ de peccato originali, & de

de justificatione in Sacrosancta Tridentina Synodo definita, & declarata fuerunt, amplector, & recipio. Profiteor pariter in Missa offerri Deo verum, proprium, & propitiatorium Sacrificium pro vivis, & defunctis, atque in Sacramento Eucharistiæ Sanctissimo esse verè, realiter, & substantialiter Corpus, & Sanguinem unâ cum anima, & Divinitate Domini Nostri Jesu Christi, fierique conversionem totius substantiæ panis in Corpus, & totius substantiæ vini in Sanguinem, quam conversionem Catholica Ecclesia *Transubstantiationem* appellat. Fateor etiam sub altera tantum specie totum, atque integrum Christum, verumque Sacramentum sumi. Constanter teneo Purgatorium esse, animasque ibi detentas Fidelium suffragiis juyari. Similiter & Sanctos unâ cum Christo regnantes venerandos, atque invocandos esse: eosque orationes Deo pro Nobis offerre, atque eorum reliquias esse venerandas. Firmissime assero Imagines Christi, ac Deiparæ semper Virginis, necnon aliorum Sanctorum habendas, & retinendas esse, atque eis debitum honorem, ac venerationem impertiendam. Indulgentiarum etiam potestatem a Christo in Ecclesiam relictam fuisse, illarumque usum Christiano populo maximè salutarem esse affirmo. Sanctam Catholicam, & Apostolicam Romanam Ecclesiam omnium Ecclesiarum Matrem, & Magistram agnosco. Romanoque Pontifici Beati Petri Apostolorum Principis Successori, ac jussu Christi Vicario veram obedientiam spondeo, ac juro. Cætera item omnia a Sacris Canonibus, & Oecumenicis Conciliis, ac præcipuè a Sacrosancta Tridentina Synodo tradita, definita, & declarata indubitanter recipio, atque profiteor: simulque contraria omnia, atque hæreses quascunque

ab Ecclesia damnatas, & rejectas, & anathematizatas ego pariter damno, & rejicio, & anathematizo. Hanc veram Catholicam Fidem, extra quam nemo salvus esse potest, quam in presenti sponte profiteor, & veraciter teneo; eandem integram, & inviolatam usque ad extremum vitæ spiritum constantissime Deo adjuvante retinere, & confiteri, atque a meis subditis, vel illis, quorum cura ad me in munere meo spectabit, teneri, doceri, & prædicari, quantum in me erit, curaturum; Ego idem N. N. spondeo, voveo, ac juro. Sic me Deus adjuvet, & hæc Sancta Dei Evangelia.

C A P U T II

De Sacramentis in genere.

NOvæ Legis Sacramenta, quæ signa visibilia sunt invisibilis gratiæ, quam conferunt, ad nostram Sanctificationem a Christo Domino instituta, nonnisi juxta ritus a S. Romana Ecclesia approbatos, sunt ministranda. Quare, ne in eorundem ministratione aliquis error subrepat, curam habentes animarum hortamur in Domino, & monemus, ut sæpius Rituale Romanum consulant, illudque præ manibus habeant. Eaq; prorsus non ministrent sine vestibus illis, quæ ab eodem Rituali Romano præscribuntur.

Sedulò curent, ut ea, quæ in Sacramentis ministrandis destinata sunt, ab omni immunditia serventur immunia, & cautè custodiantur.

Quovis tempore, ac hora Parochi requisiti præsto sint in Sacramentis ministrandis, ut assidua eorundem vigilantia magis exeitentur fideles ad illa suscipienda.

Ægro-

Aegrotos verò etiam non vocati invisent, & salutaribus monitis adjuvent, ac hortentur, ut illis Sacramentis se muniant, quæ necessaria videbuntur; ne Familiarum insinuationibus plùs de corporis, quàm de animæ sanitate sollicitorum iis priventur, aut ipsis ea, plusquam par est, differantur.

Nemo, cujuscunque sit gradus, status, & conditionis, ad suscipienda Sacramenta cum armis, aut ornamentis ab honestate alienis admittatur. Decet porro in spiritu humilitatis, & reverentiæ Sacra Mysteria recipere.

C A P U T III

De Sacramento Baptismi.

Baptismus, qui Janua est cæterorum Sacramentorum, & regenerationis lavacrum, per quod scilicet renascimur ad vitam, sicut mortui eramus per peccatum originale; non, nisi cum intentione faciendi, quod facit Ecclesia, est ministrandus. Quare, cum parvuli usum rationis non habeant, nec actu mysteria Fidei credere valeant, Baptizans, & Patrini eorum vices suppleant, oportet. Idcirco Parochos, seu quoscunque, quibus baptizandi cura demandata est, monitos volumus, ut in pueris baptizandis omnem diligentiam adhibeant, ut rite, recteque Sacramentum hocce ministretur, & Paternos de eorum obligatione seriò admoneant.

Caveant Parochi, nè pueris profana, ridicula, turpia, diminutiva, aut Gentilium nomina imponantur; sed illorum dumtaxat, qui inter Sanctos adorantur in Terris, & regnant in Cœlis; ut, cum ad usum per-

pervenerint rationis, illos eosdem sibi eligant in Patro-
nos, quorum nomina sortiti sunt in Baptismo.

Baptismus infantium ultra triduum non differa-
tur; quapropter Parentibus strictè præcipimus, &
mandamus, ut quantò ocius infantes suos Sacro rege-
nerationis lavacro abluere faciant. Quod, si ultra tri-
dum sine nostra, aut nostri Vicarii licentia cum ra-
tionabili causa dumtaxat concedenda, Baptisma distu-
lerint; excommunicationis majoris penam se noscant
incurrisse juxta Prædecessorum nostrorum statuta.
Si autem culpa, aut negligentia Parochi infantem sine
Baptismo decedere contigerit, is pœna suspensionis a
Divinis ipso facto, & Nobis reservatæ subiaceat.

Ad Parochos, eorumque Substitutos, seu Oeconomo-
mos a Nobis approbatos hujusce Sacramenti Ministe-
rium pertinet ex officio. Quare cæteri Ecclesiastici tam
Seculares, quàm Regulares ab ejus solemni administra-
tione prorsus abstineant, nisi licentiam a Nobis, vel
Vicario nostro in scriptis obtinuerint, quam Parochus
in libro Baptizatorum innuere teneatur.

Et, quamvis in casu necessitatis quilibet sive mas,
sive femina hujus Sacramenti Minister esse possit; vo-
lumus tamen, ut si adsit Sacerdos, Diacono: Diaconus,
Subdiacono: Clericus, Seculari: & mas demum mul-
lieribus præferantur excepto casu, quando scilicet in-
fans non dum totaliter in lucem prodierit; tunc quip-
pe, ut honestati consulamus, mulieres maribus antepo-
nendas esse mandamus.

Quod, si contingat in his, aliisque casibus infan-
tem a mulieribus, aut rudibus personis baptizari ta-
liter, ut de validitate baptismi prudèter dubitari possit;
Parochus ab his diligentissimè perquirat, quomodo, &
qua

qua intentione Baptismum contulerunt? Si autem ratè peractum esse compererit; preces, & cæremonias omiffas duntaxat compleat absque nova ablutione. Sin minus, infantem sub conditione baptizet dicendo: *Si non es baptizatus, &c.* Quod quidem præstare tenetur circa infantes expositos, aliósque, de quorum certo baptismo rationabiliter dubitari poterit.

Erudiant Parochi Obstetrices de forma, & materia hujus Sacramenti, necnon de intentione, quam habere debent, faciendi scilicet, quod facit Ecclesia. Quare præcipimus, & mandamus sub pœna interdicti ab ingressu Ecclesiæ, ut infra spatium octo dierum a promulgatione hujus Constitutionis Synodalis Obstetrices præfatæ se præsentent Parochis suis, examinandæ circa administrationem Baptismi; ut illis solum permittatur prædictum Ministerium exercere, quæ sufficienter instructæ videbuntur in Baptismi collatione.

Ad Sacri Concilii Tridentini præscriptum nullatenus admittantur plures Compatres, sed unus tantum sive vir, sive femina, vel ad summum unus, & una Baptizatum de sacro Fonte suscipiant. Sciantque, pro ut Parochi eos admonere tenentur, Cognationem spiritualem contrahi inter Baptizantem, & Baptizatum, ejusque Parentes: necnon inter Suscipientes, & Susceptum, & illius patrem, & matrem tantum Parentibus inter se prorsus exceptis, quando scilicet unum, vel alterum, sic suadente necessitate, infantem sacro regenerationis Lavacro abluere contigerit.

Non admittantur Clerici sive Regulares, sive Seculares absque nostra, vel nostri Vicarii licentia in scriptis ad munus Patrini: nec mares, qui quatuordecim annos, nec feminae, quæ duodecim annos non attigerunt.

gerunt. Illi autem, qui Sacramentum Confirmationis non dum susceperunt, aut sunt notoriè excommunicati, vel interdicti, necnon infames, flagitiosi, blasphemii, non communicantes in Pascha, & qui demum rudimenta Fidei non callent, a tali munere prorsus rejiciantur; etiam si licentiâ per obreptionem, aut subreptionem obtinuissent.

Graviter peccant Parentes, Nutrices, aliique, ad quos spectat, dum infantulos ante annum completum in lectulo proprio detinent absque sufficienti cautela, qua suffocationis periculum vitetur. Hinc frequentibus infantulorum suffocationibus occurrere volentes, mandamus, ne infantulos, qui annum non compleverunt, omissis, aut neglectis diligentibus, & cautelis opportunis in proprio lectulo detineant. Quod si his non adhibitis suffocatio sequatur, poenam excommunicationis majoris ipso facto, cujus absolutionem Nobis reservamus, se noscant incurrisse.

Librum habeant Parochi bene compactum, & chartulatum, in quo notent nomina Baptizatorum, eorumque Parentum, & Patrinoꝝ cum distinctione clara, & distincta diei, mensis, & anni collati Baptismatis, & non per compendium, aut per arithmeticas figuras, necnon cum expressione, an Baptizatus sit ex legitimo matrimonio procreatus. Quem librum diligentissimè custodire teneantur. Contrafacientes poenam decem librarum ceræ elaboratæ eidem Ecclesiæ Parochiali applicandam sine spe veniæ incurrant.

Ad vitandam quamlibet superstitionis suspicionem Parentibus, Nutricibus, Consanguineis, Obstetricibus, & aliis quibuscunque seriò prohibemus, ne super infantes tempore præsertim, quo ad Baptisma ducuntur, involvant, aut involvere faciant, vel consentiant monetas, clavos ferreos, aliaque a Sancta Matre Ecclesia non permissa, aut probata. sub poena Excommunicationis majoris ipso facto incurrenda, &
No-

Nobis reservata. Sicut mandamus Parochis, ne permittant, salem, candelas, gossipium, sudariola ad baptismum adhibita domum, vel extra Ecclesiam deferri sub poena trium scutorum auri pro nostro arbitrio locis piis applicandorum.

Fons Baptismalis ex integro, & duro lapide confectus: Turricula ad instar Tabernaculi, qua fons ipse cooperitur, firma sera claudatur, & decenti Conopeo contegatur: sit etiam in parte interiori affabrè induta. Super fontis operculo sit capsula cum vasis Oleorum, Chrismatis, & Catechumenorum cum suis propriis inscriptionibus, ne confundantur: sal, sudariola, nec non rudicula ex una parte acuminata, ne aqua baptismalis per diversa dilabatur. In parte superiori Turriculæ, seu Tabernaculi apponatur Icon Christi baptismum signans in Jordane, & a latere Fontis Baptismalis habeatur piscina, seu sacrarium, quod aquam ex capite baptizati cadentem recipiat.

C A P U T IV

De Sacramento Confirmationis.

Sicut per Baptismum regeneramur ad vitam, ita per Confirmationem confirmamur ad pugnam, ut contra vitia, & ad Fidei confessionem robur accipiamus. Hinc Parochi, cum primam litteras nostras acceperint de hoc Sacramento a Nobis conferendo, singula, quæ ad valorem, & fructum ejusdem pertinent, inter Missarum sollemnia populum edoceant.

Eorundem Parochorum cura erit inspicere, an confirmandi sint baptizati, & calleant principaliora saltem nostræ sanctæ Fidei mysteria, ut illis duntaxat ad Confirmationis Sacramentum admittantur, qui idonei reperti fuerint. Qui-

bus, tradant schedulam, in qua describatur nomen, cognomen, patria, & Parochia confirmandi, sicut & nomina Parentum, & Patrinoꝝ. Præcipimus tamen Parochis, ut ad hoc Sacramentum non admittant, nisi, qui septimum saltem ætatis annum attigerunt. Confirmatos verò describant in libro ad id specialiter deputato juxta schedulam confirmandis traditam, prout statutum est in Sacramento Baptismatis.

De Ecclesiæ consuetudine in hoc Sacramento unus Patrinus, qui cum Confirmato, ejusque Parentibus Cognationem contrahit spiritualement, est admittendus. Præcipimus tamen, ut masculi a masculis, & feminae a feminis suscipiantur, & unus, vel una: non plures, quàm duo, vel tres ad summum suscipiant.

Confirmandi porro ab Episcopo modestiam præferant, & ad tantum Sacramentum non accedant, nisi corde saltem contrito, vel Sacrosanta Eucharistia refecti, si eorum ætas id permiserit. Patrini verò tali munere non fungantur, nisi armis depositis, si viri sint; si feminae tecto capite, & pectore velato, ut sacrum Chrisma ea, qua decet reverentia, veneratione, & timore, ministretur.

C A P U T V

De Augustissimo Eucharistiæ Sacramento.

Augustissimum Eucharistiæ Sacramentum, quod cibus est animæ, & sanitas mentis, necnon pretium Redemptionis nostræ, monimentum Redemptoris, ac Redemptoꝝ munimentum: quoque passionis, & mortis Christi memoriam recolimus, retrahimur a malo, in bono confortamur, & ad virtutum, gratiarumque proficimus incrementum; summa religione colendum est. Quare, sicut oportet, decenter asser-

vetur; mandamus, ut Ciborium, seu Tabernaculum sit semper mundum tam intus, quàm foris: tectum Conopeo viridis, vel rubri, vel albi, vel violacei coloris juxta paramentorum rubricas mutando. Intus serico panno albo, aut rubro sit subsutum cum Ostiolo firma sera munito, cujus clavis argentea, vel saltem inaurata sit semper penes Parochum. Et in summitate Tabernaculi Imago Christi Resurgentis apponatur.

Pyxis, in qua asservantur particulae consecratae, sit argentea, & intus per totum inaurata cum suo Conopeolo serico albi coloris, & super mundo Corporali singulis biimestribus mutando in planitie interiori Tabernaculi collocetur.

Bis ad minus in mense Parochi Eucharistiam renoveant, & curent, ut sint semper hostiae consecratae in competenti numero, ne desint populo, aut infirmis petentibus.

Diu, noctuque ante Ciborium lampas ardeat. Quapropter serio Parochis, Sacristis, aliisque, ad quos spectat, injungimus, ut omnem diligentiam adhibeant, ne lumen extinguatur. Dedecet quippe, qui Lumen est ad illuminandum mundum, sine lumine permanere. Quod, si eorum incuria id acciderit, pro qualibet vice poena unius ducati Altari Venerabilis applicanda multabuntur.

Quilibet Fidelis, cum ad aetatem adultam pervenerit, ad minus in tempore Paschali, quod incipit a Dominica Palmarum, & desinit Dominica in Albis inclusivè, de manu sui proprii Parochi Sacramentum Eucharisticum sumere tenetur. Quare ille, qui praefato tempore extra Ecclesiam Parochialem, sive in Ecclesiis Regularium, sive in Oratoriis tam publicis, quàm privatis de manu cujusunque Sacerdotis, qui non sit neque suus Parochus, neque Oeconomus sine nostra, vel nostri Vicarii, aut proprii Parochi licentia hoc Sacramentum sumperit; sciat praeepto Paschali non satisfacisse. Expediit quip-

quippe, ut saltem Pastor semel in anno agnoscat vultum pectoris sui. Præfatum tamen præceptum implere declaramus, qui de manibus nostris tempore Paschæ panem Eucharistici cum accipiunt. Et, ut omnis fraus intercідatur, volumus, quod prædicto tempore communicante Episcopo præsentēs sint Parochi, vel eorum Oeconomi, quibus onus incumbet describendi Parochianos suos, qui Eucharistiam sumunt de manu Episcopi. Præcepti autem Paschalis transgressores poena interdicti ab ingressu Ecclesiæ, vel anathematis multabuntur.

Ne porro huiusmodi transgressores impuniti evadant, præcipimus Parochis, ut singulas domos suæ Paroeciæ adeant tempore Quadragesimali, & utriusque sexus incolarum nomina describant in libello juxta leges Ritualis Romani: & illis, qui præcepto satisfecerunt, schedulam tradant aliquo signo notatam, & ab omni suspicionis fraude immunem. Quas schedulas recolligant a suis Parochianis completo tempore Paschæ. Si quos non adimplevisse hoc præceptum invenerint, simul cum copia status animarum nostro Vicario Generali in scriptis notificent, ut debitis monitionibus præmissis poena statuta plecti possint.

Qui autem dolose, vel prætextu negotiorum a civitate, vel sua Paroecia se absentaverit, ne huic præcepto Paschali satisfaciat; tanquam ejusdem præcepti transgressor habeatur, & puniatur, etiamsi alibi communicaverit.

Quamvis quilibet Fidelis Ecclesiæ præcepta scire teneatur; volumus nihilominus, ut Parochi in principio Quadragesimæ indicent Parochianis suis teneri tempore Paschatis sacram Communionem in propria Paroecia suscipere; sicut & ipsis mandamus, ut eosdem Parochianos admoneant, & hortentur ad sacræ Communionis frequentiam. Quantum autem ad quotidianam Communionem attinet, in omnibus servari volu-

volumus Decretum Sacre Congregationis Concilii in fine hujus Synodi apponendum.

Ab hac Coelesti mensa, si monitionibus præmissis signa emendationis non dederint, prorsus arceantur publici excommunicati, manifesti, & scandalosi peccatores, grassatores viarum, meretrices, usurarii, blasphemæ, conjuges absque legitima causa per Ordinarium probata non cohabitantes, & demum malefici: ne margaritas ante porcos projicere videatur. Aegroti verò, & in carceribus detenti in tempore præfato pane Eucharistico non sunt privandi: quare quilibet Parochus ægrotos suæ Paroeciæ, & ille, in cujus Parochiæ districtu sunt carceres, carceribus detentos eodem sacramento reficiant.

Clerici semel ad minus in mense die festivo, & in Missa conventuali, quæ celebratur in illa Ecclesia, cui sunt adscripti, sacra Synaxi reficiantur; aliàs sciant nequaquam promovendos ad ultteriores ordines. Hortamurque Sacerdotes, etiam si curam animarum non habeant, ut diebus saltem festivis Missæ sacrificium peragant; dummodo non sint aliqui infirmitate impediti.

Cùm ad ægrotos Sanctissimum Viaticum deferendum est, signo campanæ convocetur populus, & dum deferitur, præcedant faces accensæ in competenti numero, & quatuor saltem laternæ hastilibus superimpositæ. Præcedat quoque Clericus, vel laicus pulsans tintinnabulum, ut occurrentes advertant, & adorent. Sacerdos verò capite penitus aperto sub baldacchino, aut umbella superpelliceo, & stola indutus, & humerali, ambabus manibus sacram Pyxidem ante pectus reverenter gestans, psalmos, & preces alternatim cum populo recitet. Volumus insuper, quod duas ad minus hostias in sacra Pyxide deferat, ne post infirmi communionem ad Ecclesiam redeundo, nulla Hostia in Pyxide remanente,
plebs

plebs idololatrare videatur. Qui autem Sacerdotem deferentem Eucharistiam obviam habuerit, de equo, vel rheda descendat, flectat genua; Sacramentum adoret, & comitetur, si commodè poterit.

Injungimus quoque Parochis, eorumque Oeconomis, ut cum primum Parochiani ægrotare cœperint, eos hortentur ad Sacramentalem Confessionem peragendam, & ad Sacramentum Eucharistiæ sumendum; quod quidem de nocte ægrotis deferri non debet, nisi necessitate urgente: annuncientque populo indulgentias a Summis Pontificibus concessas illis, qui reverenter, & devotè Sanctissimum Viaticum comitantur. Quoniam non sine ingenti animi nostri mœrore oculis propriis perspeximus Sanctissimum Viaticum ad ægrotos deferri ut plurimum sine virorum comitatu taliter, ut vix, & cum difficultate reperiantur, qui cereos gestent, hastas baldacchini, & umbellam; ideo, ut tam detestabili irreligiositati, quæ infidelitatem sapit, occurramus, per viscera misericordiæ Dei nostri omnes, & singulos in civitate degentes, obtestamur, ne vereantur ad signum campanæ ad Parochialem accedere, & Sanctissimum Viaticum comitari; imò, si opus sit, hastas baldacchini, & umbellam deferre: Dedecet quippe Christianum Catholicum, ut Christus sub speciebus panis ad domos hominum cujuscunque conditionis etiam vilissimæ accedens, sine debito, & religioso comitatu incedat, permittere.

Hinc in qualibet Parochiali Ecclesia, si instituta non sit Sodalitas Sanctissimi Sacramenti, ut quanto ociùs instituat, curent omnino Parochi; ut saltem deficientibus aliis a Sodalibus Sanctissimum Viaticum associetur. Interim, donec præfatæ Sodalitates instituantur, obligatos volumus Clericos, & Sacerdotes aggregatos ad deferendas hastas baldacchini, & umbellam, quando ab Ecclesia, cui adscripti sunt, Sanctissimum

num Viaticum exire contigerit : Populorum devotione, vel aliqua necessitate impellente si quando Panis Eucharisticus publicæ adorationi exponendus sit, id duntaxat fiat cum nostra, vel nostri Vicarii Generalis licentia, & non aliter. Ante solis ortum, & post occasum immediatè in Tabernaculo reponatur. Et, dum exponitur, duodecim ad minus faces in utroque Altaris latere continuè ardeant, & Altare ipsum decenti pompa, & apparatu ornatur. Ostensorium argenteum sit, vel saltem ære inaurato confectum cum lunula argentea inaurata, quod exponi debet sub baldachino sericis pannis subfuto. Quod si sive in Ecclesiis Regularium, sive Secularium, & Confraternitatum Sanctissimum Sacramentum publicè exponere quis audebit, Ecclesia interdicto supponatur per annum, & Sacerdos, qui exposuerit, pœnam suspensionis ipso facto incurrat per quatuor menses, non obstantibus quibuscunque licentiis Prædecessorum nostrorum, vel nostra ante hanc Synodalem constitutionem forsân obtentis voce, vel in scriptis, etiam prætextu consuetudinis.

Ad repellendas tempestates, seu, ut vulgò dicitur, *ad signandum tempus* non audeant Parochi Sanctissimum Sacramentum, vel Sacram Pyxidem e Ciborio extrahere; satis enim erit ostiolo Tabernaculi duntaxat aperto, & facibus accensis preces a Rituali Romano depromptas unâ cum Populo ad id convocato perquam devotè recitare.

Processiones Sanctissimi Sacramenti, quæ fiunt in festo Corporis Christi, & ejus Octava laudamus, & approbamus; hortamur tamen illos, ad quos spectat, ut majori possibili pompa, & solemnitate curent, ut fiant: Clero scilicet præcedente cum suis vestibus, & facibus

centis, ac Populo numero to per vias publicas comitante, necnon Ecclesia decenter ornata, & Altari decentissimè parato. Hoc tamen nostro Decreto prohibitas nolumus illas Processiones, quæ ex laudabili consuetudine circa ambitum cujusque Parochialis Ecclesiæ, seu circa exteriores muros quolibet mense fieri consuetum est.

C A P U T VI

De Sacrificio Missæ.

Cum quilibet Catholicus ex præcepto Ecclesiæ singulis diebus festis Missam audire teneatur, dummodo ad annos discretionis pervenerit; mandamus Parochis, ut Populo explicent hujus Sacrificii incruenti excellentiam virtutum, & fructus, necnon doceant Parentes, & Dominos, ut filios, & famulos utriusque sexus huic Missæ Sacrificio interessè compellant. Sciantque nequaquam apud Deum excusari, qui missam audire detrectant ex motivo, quod vestes, & ornamenta non habent adeo polita, & concinna, sicut alii, & alia. Pergere quippe debent ad Ecclesiam Fideles, non ut vestiam decorem ostendent; imò potius, ut veluti ad Tribunal misericordiæ reverentes, corde contrito, & devoto remissionem impetrent peccatorum, & Divinæ gratiæ largitatem.

Interfuentes sacrificio Missæ a confabulationibus, risu, strepitu, aliisque actibus indecoris prorsus abstineant; sed piè, & modèstè utroque poplite flexo viri apertò capite, & mulieres velato pectore huic sacrificio assistant; & verba sacra attentè audiant, & meditentur.

Sacerdotes celebraturi; quia devotionis, & sanctitatis

citatis exemplum aliis præbere eos decet, Sacrificium hoc omni tam interna, quam externa compositione peragere tenentur. Ad altare non accedant, nisi veste talarum induti: ritus, cæremonias, cæteraque omnia ab Ecclesia præscripta apprime servant sub pœna aureorum duorum.

Sacræ vestes non sint sordidæ, & laceræ, sed decoræ, & mundæ, nec corporalia laventur a mulieribus. Dedecet porro, quæ immediatè Christi corpus attigerunt, a mulieribus attrectari. Quare Sacristis strictè præcipimus, ut omnem diligentiam adhibeant in servando, & conservando vestes Sacerdotales, aliasque, quæ ad hunc usum deserviunt, ab omni indecentia, & sorde immunes.

Nullus Sacerdos primum Sacrificium faciat sine nostra, vel nostri Vicarii licentia, quam gratis obtinebunt prævia attestazione Magistri cæremoniarum, cujus erit inspicere, an sacros ritus, & cæremonias bene calleat. Si quis huic nostro decreto contraire præsumpserit, pœnam suspensionis a divinis ipsosacto incurret, cujus pœnæ ~~absolutionem~~ nobis reservamus.

Ad Missæ celebrationem non admittantur Sacerdotes exteri, nisi a nostra Curia celebrandi licentiam obtinuerint. Si secus factum fuerit, Sacrista, aut Sodalitatum Cappellani sciant se pœnam unius aurei incursum pro qualibet vice, etiamsi præsentibus non fuissent.

Quicunque Beneficia, & Cappellanas in nostra Cathedrali, aut in aliis Ecclesiis, & Sodalitatibus sive perpetuas, sive amovibiles obtinent, aut obtinuerint; minimè protrahant celebrationem Missarum ex pia fundatorum, reliquorumque fidelium dispositione certis, ac determinatis locis, Altaribus, & temporibus affixam, ut fundatorum, aliorumque disponentium voluntati fiat

satis. Quare prædictis in tali tempore, seu die Missas manuales recipere penitus interdiximus sub pœna suspensionis a divinis ipso facto incurrenda.

In qualibet sacristia habeatur liber chartulatus, in quo Sacerdotes celebrantes nomen, & cognomen suum describant explicita causa celebrationis; an scilicet ex obligatione Beneficii, Cappellaniæ, Legati, Anniversarii, Funeris, vel similibus. Præcipimus quapropter Sacristis majoribus, Sodalitatum Cappellanis, Rectoribus, aliisque, ad quos spectat, ut quolibet anno ad præscriptum statutorum hujus Diœcesis librum præfactum nostræ Curiæ inspiciendum præsentent, ut certi esse possimus de onerum Missarum impletionem, aut de illorum, quibus onera prædicta implere incumbit negligentiam.

Volumus insuper, ut in qualibet Sacristia juxta Decreta Sacræ Congregationis Concilii Interpretum sit exposita Tabella, in qua legantur distinctè descripta onera Ecclesiæ propriæ cum die, hebdomada, mense, anno, & Altari, in quo sunt adimplenda, cum nominibus, & cognominibus fundatorum, & disponentium.

Ante auroram, excepta nocte Nativitatis Domini, & post meridiem nullus Sacerdos celebret neque in oratoriis publicis, neque privatis, neque in qualibet Ecclesia.

Si ad Ecclesiam plures Sacerdotes eodem tempore accedant celebraturi, ut in omnibus ordo servetur; mandamus, ut Dignitates præferantur Canonicis, Canonici Abbatibus, Abbates Presbyteris Participantibus, Participantes Aggregatis, Aggregati verò reliquis aliis Sacerdotibus juxta cujuslibet ordinis antianitatem; nisi aliter inter se convenerint.

Tem-

Tempore, quo Concio habetur, vel proximè habenda est, nullus Sacerdos audeat Missam inchoare sub pœna unius aurei: quam pœnam pariter incurreret Rector illius Ecclesiæ, in qua Concio habeatur, vel proximè habenda est. Reliqua Missarum celebrationem concernentia, statuta, & decreta in Synodo tertia sœc. rec. Episcopi de Matta anno 1681 habita tit. de célébratione Missarum Cap. 17 confirmamus, & laudamus.

C A P U T VII

De Sacramento Pœnitentiæ.

Sacramentum Pœnitentiæ, secunda post naufragium Tabula, relapsis est ad salutem necessarium, non minus, ac Baptismus nondum renatis. Quare, ut Pœnitentes in Sacramentali peccatorum Confessione remissionem consequantur, singulis Dominicis Quadragesimæ, & Adventus, inter Missarum solennia doceât Parochi ea, quæ ad dicti sacramenti validitatem sunt necessaria. Explicentque modum examinandi conscientiæ, dolorem requisitum, propositum non peccandi de cætero, confessionem, & debitum implendi pœnitentiam a Confessario impositam juxta doctrinam Catechismi Romani. In illis autem Parochialibus, in quibus habentur Conciones tempore præfato, id præstare poterunt Parochi diebus Dominicis occurrentibus inter Epiphaniam, & Quadragesimam. Quamvis illi, qui usum habent rationis ex præcepto Ecclesiæ semel saltem in anno ad Sacramentalem Confessionem teneantur, præcipuè tempore acceptabili Quadragesimæ; Parochi nihilominus non negligant Parochianos suos hortari ad hujus Sacra-

cramenti frequentiam, & præsertim, dum lethali peccato se sentiunt gravatos, vel cum longum iter sunt arripuri, aut tempore partus, vel in aliquo alio vitæ periculo sunt constituti; ne forte negligentes tam salutare remedium in peccato moriantur, & vitam amittant æternam.

Non callentibus nostræ sanctæ Fidei mysteria, orationem Dominicam, Salutationem Angelicam, & præcepta tam Decalogi, quàm Ecclesiæ, absolutionis Sacramentalis beneficium non impertiantur, sed differant ad tempus; vel si pro prima vice absolvendos esse censuerint, promissionem saltem exigant, & accipiant ab ipsis prædicta addiscendi. Quod si interdicti redierint, ad hocce Sacramentum non admittant. Ut autem cum talibus opportunè providere valeamus, assignando ipsis aliquem magistrum, & directorem, nomina, & cognomina prædictorum Confessarios nobis deferre non pigebit.

Manifestis peccatoribus, concubinariis, meretricibus, usurariis publicis, necnon in proxima occasione peccandi voluntariè constitutis absolutio prorsus denegetur; dummodo Confessariis spes emendationis eorum moraliter certa non affulgeat. Qui quidem Confessarii in injungenda pœnitentia nec minus indulgentes, nec multum rigidi sint, oportet; ne indulgentia nimia conscientiæ relaxentur, & rigore indiscreto odibile reddant hoc Sacramentum tam necessarium, & salutare. Quare eos attendere decet ad peccatorum gravitatem, & ad dispositionem pœnitentium, ut cum fructu hoc Sacramentum valeant ministrare.

Nulli Sacerdoti sive Regulari, sive Seculari liceat Cōfessiones Sacramētales audire extra mortis articulum, nisi sit

Paro:

Parochus hujus Diœcesis, vel ad Cōfessiones audiēdas a Nobis prævio tamen examine licentiam obtinuerit. Si quis autem Sacerdos sine nostra licentia hoc Sacramentum ministrare ausus fuerit; sciat irritam esse absolutiōnem, & incidisse in pœnas a Summorum Pontificum Constitutionibus, & præsertim Clementis V, quæ incipit *In superna statutas*. Parochi verò post amissum, vel demissum Beneficium Parochiale, sicut & Oeconomi pro audiendis Sacramentalibus Confessionibus nova indigent approbatione.

In privatis domibus, si excipiantur infirmi, in angulis, & locis remotioribus Ecclesiæ Sacramentales Confessiones minimè audiantur; sed publicè, id est in Sedibus Confessionalibus juxta morem compactis. Et, si quando occasione infirmitatis mulierum Confessiones sint suscipiendæ, Confessarii id præstent interposito præmanibus linteolo, & aperto cubiculi ostio, itaut a familiaribus, & consanguineis conspici possit, sed non audiri. Confessarii ad Sedem Confessionalem non accedant absque veste talari, superpelliceo, & Stola violacei coloris sub pœna trium ducatorum monetæ Neapolitanæ nostro Seminario applicandorum.

Meminerint omnes Confessarii severissimas pœnas inflictas sollicitantibus ad turpia in actu, vel paulò ante, vel paulò post, aut in loco Confessionis, sciantque teneri Pœnitentes ipsos, quos ab aliis sollicitatos noverint, obligare ad denunciandum sollicitantem Nobis, vel Vicario nostro Generali sub pœnis in Constitutione Gregoriana decretis.

Caveant Confessarii tam Seculares, quàm Regulares, nè fines concessæ jurisdictionis excedant absolviendo a peccatis Nobis reservatis sine nostra, vel no-

stri Vicarii licentia, quovis Privilegio etiam *Maris magni*, aut *Cruciata* prætextu non obstante, ut statutum est per Constitutionem Clementis X incipientem *In superna*. Et, ut Confessarii promptam Reservatorum habeant notitiam, in qualibet Sede Confessionali apponantur duæ Tabulæ, & in una describantur Casus Bullæ in Cœna Domini, & in altera Casus Nobis reservati.

Casus autem, quorum absolutionem Nobis reservamus, sunt sequentes.

Casus, quibus est annexa Excommunicatio.

1 **E**Xcommunicamus omnes exercentes Artem Magicam, Necromantiam, incantationes, sortilegia, vel facturas cum expressa, vel tacita dæmonum invocatione, necnon faventes, consulentes, auxilium præstantes, scientes, & non revelantes.

2 Omnes abutentes Sacramentis, sive Sacramentalibus ad veneficia, divinationes, sortilegia, aut ad alium usum, quam fuerunt instituta, & ordinata, etiam non sequuto effectu: necnon consulentes, faventes, aut quovis modo consentientes, vel cooperantes, scientes, & non revelantes.

3 Alloquentes cum Monialibus, sive puellis in earum Monasteriis degentibus sine nostra, vel Vicarii Generalis licentia. Item & illos, qui scienter ferunt, vel mittunt literas amatorias, vel qui sub prætextu licentiæ habitæ de rebus obscænis cum ipsis loquantur.

4 Molestantes Ecclesiasticas Personas in bonis propriis, easque vi, vel metu, directè, aut indirectè, per se, vel per alios, compellentes ad mutuandum, conducendum, vel donandum bona mobilia, vel se moventia in præjudicium Ecclesiasticæ libertatis ultra Casus

Bullæ

Bullæ Coenæ: necnon & consulentes, mandantes, exequentes, vel quomodolibet auxilium præstantes.

5 Decimas non solventes, vel quomodolibet fraudantes.

6 Abortum quomodolibet procurantes, etiam ante animationem foetus, & non sequuto effectu.

7 Omnes in causa criminali, aut civili, vel in quacunque alia scriptura sive publica, sive privata in iudicio, vel extra, etiam si non intercedat iuramentum expressum, cum gravi damno alterius falsum deponentes, aut deponere curantes.

8 Notarios, Magistros actorum, Actuarios, Scribas &c. qui cum alterius partis offensione auctam, vel diminutam capiunt informationem, & sic dicta testium, vel principalium scribunt: sive acta, processus, & scripturas cum præfato gravi detrimento quomodocunque falsificant, aut ad similia consulunt, mandant, vel auxilium, aut favorem præstant. Item occupantes legata pia, & scripturas ad pias causas, & infra sex dies ad Curiam Episcopalem non restituentes, ~~vel ab habita notitia non revelantes.~~

9 Eos, qui in Paschate non communicantes ab aliis dolose accipiunt schedulas, quæ eo tempore distribui solent, ut fidem Parocho exhibeant de peracta Communione: necnon et illos, qui eisdem non communicantibus quomodocunque in fraudem accomodant.

10 Confessarios, qui extra articulum mortis complices in rebus venereis (quod Deus avertat) audebunt absolvere, aut Poenitentes in Confessione, vel occasione, & loco Confessionis sive paulò ante, sive immediatè post ad turpia sollicitaverint.

11 Parentes, Nutrices, aliosque, ad quos spectat, detinentes infantulos ante annum completum in proprio lectulo

lo, absque sufficienti cautela, qua suffocationis periculum vitetur sequuto effectu.

12 Sponso, & sponsas post contracta sponsalia, & ante matrimonium legitimè celebratum carnalem inter se copulam habentes: necnon parentes, consanguineos, & affines omnes eandem carnalem copulam, vel sponsoꝝ cohabitationem, & pernoctationem permittentes.

Casus, quibus non est annexa Excommunicatio.

13 **B**laspheantes Deum, Jesum Christum, aut Beatam Virginem Mariam etiam pro prima vice cum advertentia rationis; reliquos verò Sanctos ex pravo habitu, & coram pluribus supra quatuor.

14 Committentes homicidium voluntarium ex proposito. Item mandantes, consulentes, vel auxilium præstantes secuto effectu.

15 Comittentes peccatum sodomie perfectæ, bestialitatis, & incestus in primo, & secundo consanguinitatis, vel affinitatis gradibus, aut affinitate spiritali conjunctis; ita tamen, ut mares tantum afficiat.

16 Non adimplentes præceptum Paschale.

17 Medici, qui visitantes in lecto infirmos post tres dies a prima visitatione, non curaverint certò scire; num prædicti infirmi peccata sua Confessario confessi jam fuerint secundum terminos Bullæ Pii V.

18 Non absolvantur concubinari, nisi facta reali separatione tori, & domus, & per duos saltem menses se continuerint.

19 Aperientes ex proposito, vel occupantes alienas Epistolas sive missivas, sive responsivas, necnon libellos famulos componentes, vel scribentes, vel publicantes, sicut
&

& consulentes, mandantes, auxilium, & favorem præstantes.

Canonico tamen Pœnitentiario nostræ Cathedralis Ecclesiæ ab his casibus nobis reservatis, sive cum annexa excommunicatione, sive non, absolvendi facultatem facimus, exceptis casibus tertio, & quinto in ordine; cui Pœnitentiario super irregularitate dispensandi, vota commutandi, & relaxandi juramenta facultatem nequaquam competere declaramus. Et insuper Parochis tam Civitatis, quàm Dioecesis potestatem pariter impartimur absolvendi a casibus duodecimo, & tertiodecimo duntaxat.

C A P U T VIII

De Sacramento Ordinis.

Sacramentum Ordinis ad multiplicandam, & conservandam Ecclesiam sanguine suo pretiosissimo fundatam Jesus Christus instituit; quapropter, qui ad Ecclesiasticum Ordinem aspirant, ~~vita integritati, ac morum compositioni~~ studeant; qui enim res divinas sunt tractaturi, speciali indigent animi puritate. Ut autem hujus excellentissimæ dignitatis decus, & honor illibate servetur, sequentia statuimus.

Quicumque Ecclesiasticæ vitæ nomen dare desiderat, Clericalem habitum gestare non audeat, antequam initetur prima tonsura absque nostra licentia in scriptis obtinenda. Quæ quidem non concedetur, nisi illis duntaxat, qui intra annum sunt clericandi; reliquis verò absolute negabitur. Quod, si quis non obstante decreto eum habitu Clericali incedere ausus fuerit, poenam carceris per mensem subibit, tradendus postea Curie seculari pro ulteriori competenti correctione.

Nullus legitima ætate ad præscriptum Concilii Tridentini non constitutus, excommunicatus, aut aliquo vitio occulto, vel canonico impedimento irretitus audeat fraudulenter ad Ordines percipiendos accedere sub poenis ab eodem Concilio Tridentino, & sacris Canonibus statutis.

Inhærentes constitutioni fel. recor. Alexandri VII, & literis Sacræ Congregationis de ordine Venerabilis Servi Dei Innocentii Papæ XI mandamus illis, qui ad Sacros Ordines sunt promovendi, ut per integram hebdomadam ante ordinationem vacent spiritualibus exercitiis in loco, & sub directione a Nobis assignando, & cum cæteris aliis requisitis exhibere teneantur in nostra Curia literas testimoniales prædictorum spiritualium exercitiorum; aliter ab Ordinibus sacris suscipiendis arceantur.

Ut autem in constituendis Clericorum patrimoniis omnis fraus, deceptio, & ~~les~~ vitentur; strictè præcipimus, et ordinamus promovendis ad Ordines ad titulum Patrimonii, ut Parochis exhibeant notulam bonorum illorum; quibus constituendum est Patrimonium. Qui quidem Parochi die festivo inter Missarum Solemnia populo publicent bona præfata Patrimonio supponenda cum suis qualitatibus, cohærentiis, & confinibus; ita ut quilibet percipere valeat, a quibus, & super quibus bonis Patrimonium sit constituendum, & populum admoneant, ut revelet, si noverit prædicta bona publicata alicui contractui; obligationi; hypothecæ; censui, livello, vel cuicunque oneri esse obnoxia; sive aliquo pacto affecta intra terminum dierum octo proximè decurrendorum, quibus elapsis solum dent testimonium publicationis jam factæ in nostra Curia unâ cum notiis illis, quas fortè habuerunt ab illis, qui præsentés fuerunt præfatæ publicationi.

Cancellarius autem nostræ Curie Episcopalis consimilem notulam sua subscriptione munitam expediat affigendam per

per Parochos in valvis suæ Parochialis Ecclesiæ per dies octo. Et cum debita relatione affixionis, & defixionis ad Curiam remittatur, ut omnibus Patrimonium constituendum innotescat, & nemo ignorantie causam valeat allegare.

Illæ verò bonæ in Patrimonium destinandæ, quæ certæ esse debent, liberæ, & fructifera, quorum annuus redditus sit ducatorum triginta monetæ Neapolitanæ; appretientur per duos Peritos eligendos à Curia nostra, qui cum aliquo alio bene instructo investigent fines, v.3. confines prædictorum bonorum, necnon annuum redditum eprudem perquam diligenter, & accuratè.

Si porro sic urgente necessitate constituendum erit Patrimonium super annuis censibus, volumus, ut, si acciderit census prædictos redimi, fors, seu capitale apud Ecclesiasticam personam à Nobis deputandam, vel in arca sacra nostræ Cathedralis Ecclesiæ depositetur ad finem illud applicandi in emptione aliorum bonorum frugiferorum, vel annuorum reddituum: quæ utpote patrimonialia gaudere debent omnibus privilegiis, franchigiis, & exemptionibus, quibus fruebantur bona illa, vel census, super quibus fuit primò constitutum Patrimonium.

Fictum, & ementitum Patrimonium exhibentes, paciscentes, nempe inter constituentem, seu donantem, & recipientem de non petendo fructus Patrimonii, vel de retrovendo bona data, vel donata, ut constituatur Patrimonium; poenas à sacris Canonibus inflictas per Sacrum Concilium Tridentinum renovatas ipso facto incurrant.

Circa Clericos alterius Dioecesis, qui titulo Beneficii in nostra Dioecesi obtenti, originis, domicilii, seu familiaritatis petunt ad Clericalem militiam, & Ordines promoveri, in omnibus servetur Bulla fel. record. Innocentii XII, quæ incipit *Speculatores*.

Re.

Regulares sine literis suorum Superiorum, & testimonio publico Ordinationis non habendæ à proprio Episcopo, ad Ordinationes non accedant. Et qui cum nostris literis dimissorialibus ab alio Episcopo fuit ordinatus, Bullas Ordinum susceptorum intra mensem a die Ordinationis computandum exhibere teneatur Cancellario nostro, qui in libro destinato Bullas præfatas notabit sub pœna arbitrio nostro.

Requisita autem, quæ quilibet promovendus exhibere debet in nostra Curia pro quolibet ordine suscipiendo, in calce hujus Synodi apponatur.

Volumus demum, ut nostri Examinatores Synodales in Ordinandorum examine aliquod hujus Synodi Capitulum declarandum tradant illis, qui minoribus Ordinibus sunt iniciandi; ascensuros verò ad sacros Ordines examinent pariter super contentis in præfata Synodo eo potissimum fine, ut quilibet facilius leges Synodales addiscat, & exequatur.

C A P U T IX

De Sacramento Extremæ Unctionis.

Sacramentum Extremæ Unctionis, quod ex Divina Institutione salutis tam animæ, quam corporis prodesse credimus a solis Parochis, vel ab aliis cum prædictorum expressa licentia ministrandum est. Idcirco caveant Sacerdotes non Parochi, ne illud ministrantibus sciant pœnas per Sacros Canones statutas incurrisse.

Sacrum Oleum Infirmorum in omnibus Parœciis asservetur cum Sacro Chrismate, & Oleo Catechumenorum omni diligentia, & cautela in fenestrella in cornu Evangelii Altaris majoris in parte interiori lineo, vel serico panno substructa, & in parte exteriori cum inscriptione *OLEA SACRA*.

Quos

Quos in periculo mortis Parochus viderit, vel sciverit esse constitutos Olea Sancto perungere non differat ad formam in Rituali Romano præscriptam: & prædictum Rituale consulat, ut sciat unctiones prætermittendas in feminis, & quæ servanda sunt in ungendo Sacerdotes, & quomodo se gerere debeat in mutilatis. Quod si culpa, vel negligentia Parochi aliquem de hac vita migrare contigerit sine Extrema Unctione, poena decem ducatorum mulstabitur.

Curent Parochi, ut suscepturi Extremam Unctionem Sacramentis Poenitentiae, vel Eucharistiae prius muniantur, ut hujus Sacramenti effectum principaliorem percipiant.

Excludantur ab hac Extrema Unctione omnino impenitentes in peccato mortali manifestò existentes, excommunicati: necnon illi, qui usum rationis non habent, & perpetuo amentes; illi verò, qui lucida habent intervalla, non sunt privandi hoc Sacramento.

Habeat Parochus nostræ Cathedralis Ecclesiæ librum bene compactum, in quo notet diem, mensem, annum, & nomina illorum, qui sumunt quotannis Sacra Olea, quæ danda non sunt, nisi de nostro, vel nostri Vicarii Generalis licentia. Quæ quidem Olea non tradantur, nisi Parochis illarum Ecclesiarum, in quibus debet asservari, vel alicui Sacerdoti cum literis Parochi. Regularibus detur solum Oleum infirmorum, sicut & Monialibus in Regularium prædictorum, & Monialium duntaxat usu.

Dum ad infirmos deferretur Sanctum Oleum, Parochus incedat indutus superpelliceo, & stola violacei coloris cum Clerico cereum deferente, & vasculo argenteo, vel ad minus stanneo intra thecam, seu bursam sericam ejusdem coloris, quæ longiores habeat cordulas, ut commodè, & collo suo pendere valeat; si autem contingat simul cum Sanctissimo Viatico ob imminens mortis periculum ad infirmum deferri, prius

prius ægrotum communicet, & postea ungat: & gossipium, quo manus absterlit, secum transferat ad Ecclesiam de more comburendum.

In eadem infirmitate Extrema Unctio non est iteranda; poterit tamen, & debet iterari in casu, quo ægrotus convalescerit, & denuo in mortis periculo constituitur.

Parochus ægrotum jam unctum non derelinquat, sed ipsum soletur, & adjuvet ad pie moriendum, ipsum hortando ad actus fidei, spei, charitatis, & contritionis eliciendos, & animam ejusdem commendet precibus illis, quæ a Rituali Romano præscribuntur: & inhærendo Statutis Parochialium Ecclesiarum hujus nostræ Civitatis, & Diœcesis præcipimus, & mandamus Presbyteris Participantibus, & Aggregatis, ut in commendatione animæ ægroti proprium Parochum adjuvent, & opitentur.

C A P U T X

De Sacramento Matrimonii.

Matrimonium a mundi initio, velut vinculum ad officium naturæ a Deo institutum, & a Jesu Christo ad excellentiam Sacramenti elevatum, gratiam confert sanctificantem, prout fides Catholica docet. Ut autem rite, & validè celebretur juxta Sacros Canones, & Sac. Concil. Trid. infra scripta observari mandamus.

Moneant Parochi populum de sanctitate, efficacia, & gravitate hujus sacramenti, ut in Matrimonium copulandi, atque ad benedictionem accedant, præmissa Sacramentali Confessione Pane Eucharistico reficiantur, ut Sacramentalem gratiam percipiant, reliquosque hujus Sacramenti fructus. Clādestina Matrimonia jam a Sancta Tridentina Synodo damnata,

ta, & Nos reprobamus, & damnamus, & poenas jam statutas sic contrahentibus indicimus, aliasque pro arbitrio nostro, quas incurreret Parochus culpabiliter Matrimonio clandestino assistens.

Nullum Matrimonium celebretur, nisi completis tribus denunciationibus in propriis Paroeciis sponzorum: & inter unam, & aliam denunciationem duo, aut tres dies ad minus intercedant, ut impedimenta, si qua essent, communiùs innotescant. Volumus tamen, si post denunciations jam completas sit elapsum bimestre, præfatas denunciations denuo fieri debere; nisi aliter Nobis videbitur.

Non, nisi in Parochiali Ecclesia, Matrimonium contrahatur coram proprio Parocho, & duobus, vel tribus testibus, & post Solis ortum: quo tempore Sacro celebrando contrahentes devotè adsint, & juxta sacros ritus Sacerdotali benedictione donentur; dummodo non sint secundò nubentes, cum quibus servanda sunt ea, quæ in Rituali Romano perscribuntur.

Vetitis verò ab Ecclesia temporibus sine nostra dispensatione Matrimonium nequaquam celebretur, & si dispensationem contrahentes obtinuerint, contrahere poterint, sine tamen solemnitatibus nuptialibus, quas adimplere teneantur immediatè post elapsum tempus prædictum. In exterorum Matrimoniis contrahendis nostra Episcopalis Curia omni o servet instructiones ad hunc effectum datas a Sacra Congregatione Universalis Inquisitionis in fine hujus Synodi apponendas.

Accessum sponsi ad domum sponsæ, & contra tam paulò ante, quàm post denunciations penitus prohibemus sub poena viginti librarum ceræ albæ elaboratæ piis usibus applicanda. Quia autem error invaluit inter rudes, ac obscuræ profapiæ homines licitam esse copulam inter sponsum, & sponsam de futuro: adeoque non incidere in sextum

Decalogi Præceptum ; hunc errorem hæresim sapientem prorsus eliminare volentes declaramus , notumque facimus omnibus , & singulis in hac nostra Civitate , & Diœcesi degentibus illicitam esse copulam inter prædictos , antequàm Matrimonium coram Ecclesiâ contrahant .

Et , quoniam ex tali erronea conscientia nonnulla inconvenientia accidisse comperimus ; præfatam copulam expressè prohibemus sub pœna excommunicationis majoris ipso facto Incurrenda , & Nobis reservata . Mandamus autem Parochis , ut Nobis notificent , an sponsi , & sponsæ de futuro huic Synodali Constitutioni contraxerint , ut ad pœnam statutam , eosque obligare valeamus . Quibus Parochis facultatem facimus examinandi etiam cum juramento vicinos , & vicinas , ut inter præfatos sponfos de futuro scire valeant , an commercium intercesserit . Quod si accessum inter prædictos intercessisse sciverint , in calce fidei publicationum exprimant .

In libro ad hoc destinato , & bene compacto celebrata Matrimonia cum die , mense , anno , loco contractus , contrahentium patria , cognominibus eorundem , & testibus , qui Matrimonio interfuerunt , propria manu Parochi clarè , & distinctè describantur . Quod si Parochus negligens deprehensus fuerit , pœna decem ducatorum mulètabitur .

Qui Parochum dolosè , & fraudulenter ad assistendum matrimonio impellunt ; excommunicationem ipso facto incurrant .

Si ignotus quis in alicujus Parœcia nãdã venerit , & mulierem secum duxerit , insimulque habiter , & vivat sub prætextu conjugii , cura erit Parochorum ab illis fidem

dem veri conjugii intra tres dies petere, & excipere; aliàs
Nos certiores faciāt, ut opportunè providere valeamus.

C A P U T X I

De Parochis, & Parochialibus Ecclesiis.

Icèt Capitibus præcedentibus multa de Parochis
dixerimus; quia tamèn nonnulla ad populorum
utilitatem, & Ecclesiarum decorem remanent explican-
da; sequentia ipsis commonenda censuimus.

Apud se Parochi has nostras Constitutiones, &
Prædecessorum nostrorum Statuta retineant, & per-
legant. Vacent studio Concilii Tridentini, Catechi-
smi, Rituali Romani, Sacræ Scripturæ, aliorumque
librorum, qui de meditationibus, juvandis infirmis, &
casibus conscientiæ tractant. Sacras functiones ea, qua
debet, reverentia, & attentione peragant, quantum fie-
ri poterit: in Ecclesia Parochiali, aut domi se conti-
neant, ~~ut populantibus~~ Sacramenta promptè succur-
rere possint. Fugiant fora, & Secularium commessa-
tiones, ut gravitate morum, & virtutum ornamento ad
sui, cæterorumq; Ecclesiasticorum venerationem popu-
lum excitare valeant. Quotannis Statum animarum sue
Paroeciæ tempore Paschatis perficiant, & authenticam
Copiam illius Curiae nostræ Episcopali tradant.

Notent distinctè personas, quæ præceptum Pascha-
le non adimpleverunt, ut contra contumaces juris, &
facti remediis opportunis procedere possimus.

Neminem admittant ad exorcizandum Energum-
enos absque nostra licentia sub pœna trium ducatorum
Regni infallibiliter exigenda tam ab ipsis Parochis,

quàm ab Exorcizantibus sine licentia.

Sedulò invigilent, an in suis respectivè Parœciis habitent publici peccatores, meretrices, adulteri, concubinarij, fortilegi, blasphemj, usurarij, & alij hujus conditionis pèrditi homines. Quos autem compererint, semel, ac iterum paternè admoneant, &, si còrrectione non resipuerint, ad Nos referant, contra quos ad Sacrorum Canonum præscriptum prorsus procedemus.

Requisiti ad condenda infirmorum testamenta, sciant id posse per seipfos præstare in mortis articulo ad pias causas cum præsentia duorum, vel trium testium ad formam juris Canonici. Et quamvis Jurisperitorum opinio invaluerit sustineri testamentum ad pias causas etiam sine testibus, si manu testatoris fuerit ob-signatum; nihilominus eosdem hortamur, ut in prædictis testamentis condendis Juri Canonico se accommodent.

Intra propriam Parochiam inhabitent, & quantum fieri poterit prope Parochialem Ecclesiam, ut indigentibus sint obvii; Archipresbyter tamen nostræ Cathedralis Ecclesiæ, vel saltèm ejus Oeconomus cubicula ad hunc effectum a Nobis constructa omnino habiter.

Parochorum erit testimonium præbere de servitio præstito Ecclesiæ de frequentia Sacramentorum, de associatione Venerabilis, de exercitio Doctrinæ Christianæ, de vita, & moribus promovendorum ad Ordines. Idcirco eosdem hortamur in Domino, & monemus, ut in hoc, sicut & in alijs fideliter, charitativè, & cum zelo se gerant; alias ultrà reatum, quem coram Deo contrahent, pœnis pro arbitrio nostro mulctabuntur.

Singulis diebus festis Doctrinam Christianam populum doceant juxtà morem hujus Civitatis, & Diœccesis,

celis, & Clerici Ecclesiæ Parochiali addicti taliter Doctrinæ Christianæ interesse teneantur, ut si quater, vel quinquies in anno negligentes, aut hujus Decreti transgressores comperti fuerint, ad ultiores Ordines non promovebuntur. Monitos quoque volumus Presbyteros Participantes, & Aggregatos, ut in instruendis pueris de iis, quæ ad salutem sunt necessaria, Parochum adjuvent, eique cooperentur. Parentibus insuper, consanguineis, aut puerorum, & puellarum educatoribus serio injungimus sub pœna interdicti ab Ecclesia per sex menses duraturi, ut hujusmodi pueros, & puellas ad doctrinam Christianam mittant, & ire compellant.

Quantum in Religione stabilienda, & augenda, tantum in superstitionibus, vanisque observantiis eradicandis curæ, & diligentia Nos impendere decet. Cum quidem ad nostram notitiam pervenerit in medietate Quadragesimæ pueros, & puellas functionibus quibusdam vulgo dictis *le Maddalene*, & in festo Sancti Johannis Baptistæ etiam mulieres sive nobiles, sive nuptas aliis abusibus vocatis *Donne corone*, & *Cardi di San Giovanni* vacare; his corruptæ superstitionem, & vanitatem sapientibus obviam ire volentes, prædictas functiones, & abusus, hisque consimiles prorsus hoc nostro Decreto prohibemus, & damnamus. Quare præcipimus Parochis, eorumque Oeconomis, ut, statim ac hujusmodi, ac similes abusus in præfatis diebus praticari compererint; Nos certiores faciant, ut in transgressores, si sint adulti, aut in parentes, si parvuli, animadvertamus. Volumus autem, ut hoc Decretum publicent per mensem ante, singulis diebus Dominicis inter Missarum solemnia populo, ut hic sciat tales functiones esse prohibitas.

Ad

Ad comprimendam quorundam animi elationem, siue avaritiam, qui sub e mentito paupertatis prætextu suorum defunctorum cadavera cum comitatu Capituli nostræ Cathedralis Ecclesiæ, aut Cleri Parochialium sine taxatis tenuissimis emolumentis ad Ecclesiam deferenda contendunt, aut, si verè pauperes sint, funebrem pompam ostentare: inhærendo Conclusioni Capitulari de die 26 Februarii 1720 habitæ, quam confirmamus & approbamus; volumus, & declaramus Capitulum nostræ Cathedralis, aliosque respectivè Cleros prorsus non teneri ad associandum defunctorum cadavera, quæ charitatis titulo sepulturæ demandantur. Satis quippe erit id præstare cum sola Oeconomi, aut Hebdomadarii assistentia. Hoc nihilominus Decreto prohibere non intendimus cuivis hujusce actus misericordiæ exercitium; sed duntaxat declarare Capitulum præfatum, & Cleros ex vi concordati inter Civitatem, & Cleros de anno 1669 sub die 21 Octobris ad id non teneri.

Cum nobis nequaquam decere videatur defunctorum cadavera expletis exequiis in Ecclesia remanere exposita sine Cruce, & sine luce; Parochos monemus, & hortamur, ut cadavera nunquam exposita remanere permittant in Ecclesia sine Cruce, & duabus ad minus candelis accensis subministrandis ab hæredibus, vel consanguineis defuncti. Quod si præfati hæredes, aut defuncti consanguinei candelas ad hunc effectum tantum subministrandas dare renuerint, vel non potuerint; ordinamus, quod cadaver reponatur in loco remotiori Ecclesiæ coopertum panno nigro, donec sepulturæ consignetur.

Statuta tam Ecclesiæ nostræ Cathedralis, quàm Parochialium siue Civitatis, siue Diocesis authorita-

te nostri Prædecessoris firmata, & confirmata ad unguem observentur sub pœnis in illis adjectis, neque ulli licitum sit ea mutare, aut interpretari. Quod si aliquod dubium circa illorum intelligentiam irrepat, ad Nos pro explicatione recurratur.

Sacerdotes, Diaconi, Subdiaconi, & Clerici Ecclesiis, quibus sunt aggregati, vel adscripti fideliter serviant. Qui verò Sacerdotes nullam habent aggregationem in Parochiis, præsentī hōc nostro Decreto servitio nostræ Cathedralis Ecclesiæ adscribimus, & deputamus.

Strictè demum præcipimus, & mandamus Clericis servitio Ecclesiæ Cathedralis, vel Parochialis mancipatis, ut omni promptitudine, & diligentia in diebus festivis Ecclesiam sibi destinatam frequentent in serviendo Sacerdoti celebranti, & in aliis functionibus, quæ fiunt in eadem Ecclesia sub pœna rejectionis ab Ordinibus suscipiendis, aliisque ad arbitrium.

C A P U T XII

De Divinis Officiis, & Disciplina Choralī.

IN nostra Cathedrali, & Collegiatis Ecclesiis horis statutis juxta Tabellam horariam, signo campanæ præmissō laudes divinæ non cursim, & festinanter; sed attentè, devotè, cum debita pausa, & non, nisi cum habitibus choralibus, persolvantur. Ita tamen, ut differentia inter Officium solemne, duplex, & feriale.

Ex adscriptis servitio Chori nemini liceat, dum alii psallunt, aut cantant, privatim horas Canonicas recitare, aut clausum os habere, ne in die distractionis dicere

cere compellatur : *Vae mihi , quia tacui* ; allas punctetur , & habeatur tanquam absens . Eandem pœnam incurrent illi , qui cum Officiis Divinis colloquia , risus , cœchinnos miscere non erubescunt , aut literas , aut scripturas quasunque , seu libros legunt , & in hoc Punctatorum conscientiam strictè oneramus .

Pendeat in Sacristia Tabula , in qua descriptæ legantur functiones qualibet die , & a quibus peragenda : cujus tabulæ conficiendæ cura in qualibet hebdomada ad Magistrum Cæremoniarum spectabit , ut quilibet certior factus de his , quæ ab ipso agenda sunt , paratus accedere queat .

Vitentur prorsus in Choro , Ecclesia , Sacristia , & Cœmeterio contentiones , jurgia , & verba aspera , quæ ad fraternam charitatem vel minuendam , vel extinguendam sunt apta . Et quilibet suo loco , & sorte contentus non se ingerat in his , quæ ad primum in ordine spectare dignoscuntur : contrafacientes pœna amissionis fructuum illius diei puniantur . Rectores autem Ecclesiarum non curantes , seu negligentes pœnam ab his exigere , eandem pœnam incurrere volumus . Quæ quidem pœnæ distribuantur inter Choro interessentes , hujus criminis nequaquam reos .

Nemo audeat in habitu Choralis in plateis Ecclesiarum morari , aut per vicinias incedere sub pœna ductorum trium pro qualibet vice locis pils ad arbitrium Nostrium applicanda .

Qui demum vitæ sustentationem ab Ecclesiis recipiunt , lenti non sint , tardi , & frigidi ad Divinum servitium præstandum : cùm enim beneficium , & portiones propter officia dentur ; meminerint non inservientes fructus non facere suos .

Reli-

Reliqua ad Officiaturam, & Choralem disciplinam spectantia clarè, & distinctè in Statutis Ecclesiarum, quæ adamussim observari mandamus, præscripta leguntur.

C A P U T XIII

De Decimis.

Quoniam indignatio, & ira Dei manet super illos, qui Decimas Ecclesiasticas sive Sacramentales, sive prædiales, sive personalesolvere detrectant, vel negligunt, aut differunt juxta illud Malachiæ cap. 3: *Si affiget homo Deum, quia vos configitis me? Et dicistis: In quo configimus te? In Decimis, & in primitiis. Et in penuria vos maledicti estis, & me vos configitis.* Et aliunde benedictionibus replentur decimas solventes eodem Propheta testante: *Inferte omnem Decimam in borreum, & sit cibus in domo mea, & probate me super hoc, dicit Dominus: si non aperuero vobis cataractas Cæli, & effundero vobis benedictionem usque ad abundantiam.* Idcirco, cum Decimarum solutio debita sit Deo, Decretis S. Concilii Trid. Sess. 25 de Reform. Cap. 7 inhærentes; illis, qui ad Decimarum solutionem tenentur, seriò præcipimus, & mandamus, ut Decimas præfatas promptè, & alacriter præbere non dedignentur; alias anathemati supponentur.

Et quia Jura Divina, quorum ratione Decimæ Christi Ministris præbentur, priora sunt, & potiora; ut sint Deo acceptabiles, de primitiis Decimæ sunt contribuendæ, ut docet Chrysostomus Homil. 18 Cap. 4 Genesios: *Respexit Deus ad munera Abel;* quia de primogenitis ovium suarum, & de pretiosissimis obtulit. Ad munera verò Cain non attendit; eoquod qualiacunque

G

sine

sine delectu Deo offerre *non est veritus*. Et Ambrosius l. 1 de Cain, & Abel cap. 7: *Cain primitias sibi prius vindicare solebat, Deo autem sequentia deferre*. Hortamur quapropter in Domino illos, qui Decimas dare tenentur, ut de præcipuis, & melioribus, non de residuis, & vilioribus Deo bonorum omnium largitori satisfaciant.

Ut autem contra Decimas quascunque non solventes procedatur; Procuratoribus Ecclesiarum, Parochis, cæterisque aliis, quibus Decimæ debentur, facultatem facimus eas exigendi ex primitiis messis, & vindemiæ etiam per vim, cum assistentia tamen Curia Laicalis: & eisdem mandamus, ut in fine messis, & vindemiæ respectivè dent Curia nostræ nomina illorum, qui decimas non dederunt, ut in subsidium eisdem excommunicare valeamus.

Pariter Dei indignationem incurrunt, qui in agris suis segatis segetibus pauperes spicas colligere non patiuntur. Est & hoc similiter contra Divinum mandatum Levitici Cap. 23: *Postquam autem messueritis segetem terræ vestrae, non secabitis eam usque ad solum: nec remanentes spicas colligetis, sed pauperibus, & peregrinis dimittetis eas. Ego sum Dominus Deus vester*. Ideo, ne tanti criminis fiant rei, monemus omnes, & hortamur in Domino, ut omni charitate, & mansuetudine pauperes, & peregrinos in agros proprios segatis segetibus, & relictis manipulis ad spicilegium admittant.

CAPUT XIV

De Festorum, & Jejunii Observantia.

IN Festis diebus maximè decet orationibus, aliisque piis operibus vacare, Sacrificio Missæ, Concionibus, & Divinis officiis interesse. Nè autem his diebus ad recolenda beneficia a Deo accepta, eique grates rependendas salubriter institutis quis abutatur in perniciem; nundinas, mercatus, contractus quoslibet, collectarum, seu talliarum exactiones, agrorum, vinearum, & hortorum culturam, necnon quævis opera servilia prohibemus.

Prohibemus insuper publicos ludos quosunque, choreas, tripudia, larvas, saltationes, & cantilenas, quæ vulgò vocantur *Serenate*, post mediam noctem antecedentem diem festum usque mediam noctem subsequentem. Experientia quippe compertum est præfata nequaquam fieri sine piorum scandalo, contentionibus, & rixis, & Dei offensâ.

Permittimus nihilominus vendi posse comestibilia; januis tamen officinarum clausis, & sine publicitate, ostiolo duntaxat aperto: sicut & urgente necessitate tempore messis, & vindemiarum blada, & uvas asportare, & aliquid operari; licentia tamen Nobis petita, & obtenta: quæ quidem gratis concedetur.

Quod si quis contra hæc sancita facere præsumpserit, pœna duorum ducatorum Seminario applicandorum, & in subsidium privatione ab ingressu Ecclesiæ per tres menses pro qualibet vice sine spe veniæ mulsetur.

Parochi inter Missarum solemnias suo populo jejunia, & festa de præcepto inter hebdomadam occurren-

tia, siue mobilia sint, siue immobilia, promulgent. Eundemque doceant tam festum, quàm jejunium incipere a media nocte præcedentis diei usque ad mediam noctem sequentis: necnon inculcent exactam, & rigorotam jejuniorum observantiam; quæ maximè confert ad vitia comprimenda, & ad levandam mentem ad Deum.

A feria quarta Cinerum usque ad Festum Paschatis cessent comediæ, tripudia, ludi, soni, cantus, aliæque ad morum licentiam conferentia: quæque animarum saluti maximè obsunt; secus facientes poenam decem librarum ceræ albæ elaboratæ incurrant.

C A P U T XV

De Vita, & Honestate Clericorum.

Hortamur, & monemus omnes, & singulos Ecclesiasticos, ut in incessu, statu, habitu, & moribus suis sic se gerant, ut nihil faciant, quod cujusquam offendant aspectum, sed quod eorum duntaxat deceat sanctitatem. Et, cum non vestibus placere debeant, sed moribus; ipsis seriò præcipimus, ut præsertim, dum ad divina peragenda accedunt, nonnisi cum veste talari incedant. Quare usum salsiliarum taliter discessarum, ut vestes interiores, quas nonnisi nigri, aut fusci coloris esse volumus, appareant, prorsus interdiciamus sub poena trium librarum ceræ albæ elaboratæ. Seminario applicanda.

Torques aureas ipsis gestare non liceat; iis tamen exceptis, qui ex dignitate præditi sunt, in cujus collatione anulus traditur, Quem deponere tenentur, dum Sacrum faciunt, nisi Prælati sint.

Do.

Domini vinum vendere, aut componendi locum aperire, ad rixas vitandas, quæ non raro ex ebrietate oriri solent, quæque Clericalem polluant dignitatem, Ecclesiasticis interdiciamus. Illos tamen excipimus, qui proprias vineas habent, aut mustum ex Decimis percipiunt, quibus licitum erit vinum venum exponere, seu dare; nunquam tamen per seipso, sed per manus secularium.

Insuper negotiationibus illicitis, & cujuscunque generis mercimoniis vacare non præsumant. Dedecet quippe Deo militantibus negotiis secularibus se implicare.

Nuptiarum evitent convivia, & non intersint; in his ut plurimum amatoria cantantur, & saltibus, ac choreis vacatur, ne spectaculorum, aut verborum contagione polluantur.

Ab alearum, & taxillorum ludis, & præsertim in publico, clamorosis venationibus, nec non profanorum librorum lectione penitus abstineant; imò potius studio Sacra Scripturae, Sacrorum Canonum, & Conciliorum, Rubricarum Missalis, & Breviarii, & demum Moralis Theologiae se dedant. Quapropter ordinamus, ut præter Breviarium quilibet Biblia Sacra, Catechismus Romanum, aliquam Summam ex probatoribus Moralem, nec non unum, vel alterum librum ad mores reformandos, vitamque spiritualem informandam aptum habeat, & perlegat.

Memores demum sint Sacerdotes venerandæ dignitatis, qua vi characteris decorantur. Unde sciant prorsus dedecere ante laicos etiam in dignitate constitutos recto capite sedentes, eos aperto capite stare; cum quippe Sacerdotalis dignitas reliquas præcellat, taliter se gerere debent, ut ejusdem excellentiam, & prælatio-

nem

nem modestè ostentent , & tueantur.

C A P U T XVI

De Monialibus.

Moniales, quæ per ingressum in Monasterium, mundo, ejusque pompis abrenuntiaverunt, & per regularem professionem se totaliter Deo dicarunt; ea, quæ Iesu Christi sunt, solummodo quærant, oportet, non quæ mundi. Quare, ut tam sanctæ vacationi respondeant, vanitates quaslibet, & quæ profanum sapiunt, excrari debent: necnon divinarum rerum contemplationi, orationibus, jejuniis, cæterisque carnis mortificationibus vacare eas decet.

Ut autem sanctum propositum illibatè servant, & a divino servitio distractionis quælibet tollatur occasio; frequentem accessum ad collocutorium ipsis prohibemus: nec vocata ad ipsum ire præsumat sine licentia, & benedictione Abbatis, præsentibusque auscultatricibus ad id deputatis. Ad quod munus eligantur Moniales provectæ ætatis, prudentes, & quas vitæ probitas, Religioniisque zelus commendat.

Accedentes ad Monasterium, Moniales sive professas, sive novitias, sive puellas educationis gratia ibi degentes, alloqui non præsumant sine expressa nostra licentia in scriptis obtenta sub pœna excommunicationis majoris latæ sententiæ, cujus absolutionem Nobis reservamus. Quas quidem licentias ab Abbatis diligenter servari volumus, ut de his, qui Moniales alloquuntur, Nobis rationem reddere queant. Quod si hac non obstante Constitutione allocutiones hujusmodi permit-

mittere ausa fuerit, aut requisita licentias non ostenderit, pœnæ privationis officii, & inhabilitatis ad idem subjaceat.

Auscultatrices verò, quæ vel allocutionibus interesse neglexerint, vel illas sine licentia permiserint, pro prima, & secunda vice per mensem velo priventur: pro tertia verò vice utriusque vocis privationem per triennium se noverint incurrisse.

Ianua clausuræ in parte interiori duas habeat claves, quibus de nocte claudatur, quarum una sit penes Abbatissam, altera apud Iantricem. Cum verò opus fuerit eandem de die aperire ad introducendum, vel aliquid a Monasterio extrahendum, sive quavis alia causa necessaria per Abbatissam approbanda; non audeant Moniales eò accedere, ut externum quodque aspiciant, vel cum aliquo sive viro, sive femina colloquantur sub pœna privationis veli pro qualibet vice per mensem.

Prohibemus insuper Monialibus, ne literas cuiquam scribant, vel ad se missas aperiant, aut legant sine licentia, & scitu Abbatissæ, quæ prius eas legere teneatur, antequàm de Monasterio exeant, aut ad manus Monialium, ad quas sunt directæ, perveniant; exceptis tamen literis illis, quæ ad Superiorem, si de aliqua re gravi admonendus esset, mittuntur, aut a Superiore ad aliquam Monialem diriguntur. Huic legi contravenientes per mensem singulis sextis feriis in pane, & aqua jejuna cogantur.

Pueri, etiam si ad annos discretionis non pervenerint, in Clausuram non admittantur: & introducentes, & Abbatissa ingressum permittens pœnam excommunicationis ipso facto incurrant.

Ab:

Abbatissa, quæ Monialium mater est, suas in Christo filias admoneat, ut ad votorum observantiam, & perfectionis statum totis viribus contendant. Curet, ut pax, & concordia fervetur in Monasterio: quo vinculo charitatis colligatæ sit in Monialibus sibi subditis anima una, & cor unum in Deo. Sedulo invigilet, ut horis statutis, post prandium scilicet, & cenam in Monasterio, semper tamen in Refectorio, & in Choro, dum officium non recitatur, silentium fervetur, & subministrentur ægrotis necessaria ad præscriptum Medici.

Moniales vice versa Abbatissam tanquam Matrem venerentur, ejusque mandata tanquam leges recipiendo in omnibus eidem pareant. Quod si in aliquo gravatas se sentiant, absque strepitu Superiorem consulant, cujus erit inspicere, an mandatum sit rationale, an non.

Ut paupertatis votum sanctum rectum fervetur juxta præscriptum Sac. Concil. Trid. Sess. 25. *de Regularibus, & Monialibus, Constitutionum Apostolicarum, & Decretorum Sacræ Congregationis super Disciplina Regularium*; declaramus penitus licitum non esse Monialibus res pretiosas, & pecunias quomodolibet, & quovis titulo ipsis obvenientes apud se retinere; sed intra viginti quatuor horarum spatium eas consignare debere depositariis Monasterii, ut cum licentia Abbatissæ impendantur pro necessariis ejusdem Monialis, vel etiam Monasterii usibus, si opus fuerit, & Nobis videbitur. Quare Procuratori Monasterii, si sit Sacerdos, sub pœna suspensionis a Divinis ipso facto incurrenda, & Nobis reservata; si verò sit Clericus, aut Secularis, sub pœna amissionis officii, & aliis arbitrio nostro, mandamus, ne audeant pecunias Monialibus subministrare sub quo;

sub quovis colore, aut prætextu, sed teneatur in specie præbere necessaria juxta solitum Monasterii. Et sub eadem poena ad id teneri volumus etiam Cellariam Monasterii.

Et quantum ad opera manuum earundem Monialium, si ea vendi contigerit, id præstare teneatur Abbatisa; vel aliqua Monialis ab eadem Abbatisa deputata, quæ pretium intra spatium viginti quatuor horarum consignare debet Depositariis Monasterii, impendendum pro necessariis Monialibus illius, cujus sit opus, vel Monasterii. Quod si hæc nostra Decreta paupertatis votum concernentia aliqua Monialis debita observantia non mandare ausa fuerit; sciat poenas in proprietarios latas incurrisse.

Examinato, & accuratè discusso statu Oeconomico Monasterii cum Deputatis ejusdem, & Protectore comperimus annuos redditus vix correspondere expensis, & oneribus illius. Quapropter indemnitati ejusdem, quantum fieri potest, consulere volentes decernimus, quod in posterum nulla Novitia, quæ civis sit, admittatur ad Professionem, nisi soluta prius dote ducatorum tercentum, & cum necessariis cautelis pro vivo, five annuo vitalitio ducatorum quinque.

Advena verò non recipiatur, nisi cum dote ducatorum centum; & ad Professionem non admittatur, nisi dote soluta; ita tamen, ut annum vitalitium ducatorum quinque ei non subministretur a Monasterio, sed a suis parentibus, qui similiter cautelas dare teneantur, & assicurationes de solvendo Monasterio pro vitalitio Monialis suæ vita durante ducatos quinque ad minus; ad hoc, ut ex dicta annua responsione, & propriis laboribus Monialium Monasterium possit ipsas commodè alere, & de tunicis, aliisque necessariis providere.

Cætera disposita in secunda Synodo Matæ regimen-

Moralium concernentia innovamus, & confirmamus.

C A P U T XVII

De Seminario.

Sacrosanta Tridentina Synodus Clericorum Seminaria instituit decrevit, ut facile sit Episcopis eos eligere, qui doctrina præditi, & moribus probati Ecclesiis præficiantur. Quem finem, ut assequamur, regulas a Prædecessoribus nostris præscriptas, & a Nobis recognitas admissim ab omnibus in Seminario degentibus observatas volumus.

Qui in nostro Seminario tanquam Alumnus admittendus est, debet esse Dilectissimus, & talis expectativæ, ut in virtutibus, & literis sit profecturus, & utilis Ecclesiæ. Sit de legitimo matrimonio, & honestis parentibus procreatus, & duodecimo ætatis anno constitutus, & non infra, neque supra decimum octavum: sciat legere, & scribere, & Sacerdoti celebranti inservire. Alumnis, & Convictoribus extra Seminarium pernoctare non liceat absque nostra licentia.

Cum ad proprias domos tempore feriarum autumnalium remeant, in quolibet die Dominico Sacramentaliter confiteri, & Communicare teneantur, & non recipiantur completis feriis autumnalibus a Rectore Seminarium, nisi testimonium præbeant Parochi sui in scriptis statutis diebus Sacramenta Confessionis, & Eucharistiæ frequentasse, & modeste vixisse.

Tempore bacchanalium Alumnis, & Convictoribus ad proprias domos redire prohibemus sub poena ejectionis a Seminario.

Abstineant a confabulationibus, & inanibus colloquiis, dum

dum Choro assistunt; aliàs pro nostro arbitrio puniuntur. Cæterùm singula in Statutis ejusdem Seminarii a dignissimo Prædecessore nostro ordinata observari mandamus.

C A P U T XVIII

De Confraternitatibus Laicorum.

Singuli ad aliquam Confraternitatem, seu Laicorum societatem adscripti festis diebus ad Oratorium convenire, Officium Beatissimæ Mariæ Virginis, aliasque preces de more recitare, & semel ad minus in mense in eodem Oratorio Pœnitentiæ, ut Eucharistiæ Sacramentis se munire teneantur; aliàs a Catalogo Confratrum delebuntur, si per tres vices ad Oratorium accedere neglexerint, aut non Communicaverint.

Dum sunt in Oratorio, aut ejusdem sacristia a profanis colloquiis, rixis, & contentionibus proflus abstineant; imò piè, ac devotè pietatis munera peragere satagant.

In qualibet sacristia ~~Confraternitatum~~ pendeat Tabella, in qua nomina, & cognomina eorundem Confratrum describantur taliter, ut neminem ad vocem tam activam, quàm passivam in congressibus admittere audeant, nisi descriptus conspiciatur in præfata Tabella.

Adsit insuper in eadem sacristia altera Tabella, in qua notata legantur legata pia, & eorundem onera cum nomine, & cognomine Benefactoris, & Notarii: necnon cum die, & anno rogitus. Mandantes, ut onera legatorum debito tempore adimpleantur ab illis, ad quos spectat; & requisiti docere concludenter valeant de prædictorum onerum impletionem. Quod si onera præfata in Missis celebrandis consistant, volumus, ut laudati Confratres librum habeant, in

quo Sacerdotes pro dictis oneribus celebrantes distinguantur, sicut dictum est de aliis Ecclesiis, subscribant.

Inhærentes Constitutioni Innocentianæ, & Decretis Sacræ Congregationis Concilii non audeant nova perpetua onera Missarum acceptare sine nostra, vel nostræ Curie licentia in scriptis obtenta sub poenis in ejusdem Constitutione, & Decretis statutis.

In Dominicis, & festis diebus tempore, quo Missa Parochialis celebratur, inhibemus Sacri celebrationem in prædictis Oratoriis, ut Parochiani a proprio Parocho audiant, quæ ad eorum salutem spirituales conferre tenebuntur; aliter Ecclesia interdicto supponetur.

Ad Officialium electionem tempore statuto non deveniatur, nisi cum interventu nostri Vicarii in Civitate, & Archipresbyteri in Dioecesi, & electionem fieri debere per secreta suffragia, & non aliter, volumus, et mandamus sub poena nullitatis actus.

Qui demum debitores sunt Confraternitati, aut suæ administrationis rationem in nostra Curia non dederunt, in Officiales neque eligantur, neque confirmantur. Quam quidem rationem singulis annis post completum officium Cancellariæ nostræ dare teneantur.

C A P U T XIX

De Notariis.

CUm ad nostram notitiam pervenerit nonnulla legata ad pias causas ab illis, ad quos spectat, nequaquam adimpleri, et ad debitam eorundem satisfactionem obligari non posse ob ignorantiam hujusmodi legatorum, foundationis, aut institutionis; tanto malo abviam ire cupientes juxta

juxta statuta Concilii Mediolanensis sub poena excommunicationis majoris latae sententiae singulis & quibuscunq; Notariis, Scribis, cæterisq; tam Secularibus, quàm Ecclesiasticis, qui testamenta, codicillos, donationes, aliaq; scripturas quomodolibet nuncupatas de legatis piis, aut de malè partis, vel facto ablati, relictis, quas ipsi rogati conscripserunt, vel ab aliis scripta apud se retinent: & posthac conscripturi sunt, & retinebunt; præcipimus, & mandamus, ut intra trimestre ab hujus Synodi publicatione computandum quoad jam conscriptas, quoad verò conscribenda intra mensem a die obitus testatoris, aut donantis Episcopo notificent, & revelent: necnon debita mercede soluta particulas de legatis piis, & relictis publica auctoritate munitas tradant.

C A P U T XX

De Lectione Sacra Scriptura, & Casum Conscientia.

AD Canonicum Theologum spectat singulis diebus Dominicis occurrentibus ~~post Octavam Festi~~ Omnium Sanctorum usque ad Nativitatem Domini nostri Jesu Christi, & post Octavam Epiphaniae usque ad Festum Sanctorum Apostolorum Petri, & Pauli, exceptis Dominicis Quadragesimae in nostra Cathedrali Ecclesia, post Vesperas, publicè exponere, & interpretari Sacram Scripturam idiomate patrio, ut a populo interessente intelligatur. Quare eundem monemus & hortamur, ut officium suum diligenter adimpleat, quo fructus a Sancta Tridentina Synodo percipitus percipiatur. Ad quam Sacrae Scripturae lectionem singuli de Clero nemine proflus excepto accedere teneantur.

Quod si aliquo impedimento detentus per se ipsum lectioni praefatae vacare nequiverit, ne praetmittantur lectiones

nes, id præstare poterit per alium, a Nobis tamen approbandum.

Archipresbyteri Parochialium Ecclesiarum, Civitatis, & Diœcesis conferentias habeant casuum conscientię bis in mense, ad quas intervenire teneantur Presbyteri Participantes, & Aggregati; reliqui verò Sacerdotes, Diaconi, Subdiaconi, & Clerici, qui nulli Parochiali sunt adscripti, intersint casibus conscientię, qui proponuntur, & resolventur in illa Parochia, in qua domicilium habent.

Volumus etiam, ut in nostra Cathedrali quater in anno, nempe ante Festa Natalitia Domini nostri Salvatoris, Paschatis, Sanctorum Apostolorum Petri, & Pauli, & Omnium Sanctorum, Cæremoniarum Magistri alternatim duo dubia proponant, unum super Rubricis Missalis, & Breviarii, & alterum super cæremoniis, eaque secundum probatorum authorum sententiam resolvant. Ad quas conferentias obligamus singulos Sacerdotes tam Participantes, quam non Participantes, nec non Clericos, Diaconos, & Subdiaconos.

Methodus servanda in quibuscumque his conferentiis erit sequens. Proponuntur ab illo, qui lectiones faciet, dubia, seu casus in hebdomada antecedenti ad lectionem, ut quilibet ex interessentibus paratus accedere valeat. In actu conferentię explicabuntur dubia, seu casus per eundem cum citatione authorum tam pro, quam contra scribentium, & demum ab eodem resolventur juxta sensum, & opinionem probatorum Doctorum, seu secundum opinionem, quę probabilior reputabitur. Hoc pacto, cuilibet ex interessentibus liberum erit resolutioni modeste, & reverenter se opponere, & audire responsiones, quę a casus, seu dubia proponente dabuntur.

Quilibet Parochus, necnon Cæremoniarum Magistri, quorum arbitrio relinquimus determinationem diei fixi conferentiarum habendarum, librum habeant, in quo notentur casus

casus, & dubia proposita cum suis resolutionibus, & interessentes conferentiis proprio charactere se subscribere teneantur; ut sciamus, quinam interfuerint, & quinam non, ut a transgressoribus poenas taxatas exigere queamus. Quem quidem librum Parochi, & Cærensiarum respectivè Magistri ipse sine cujuslibet conferentiæ Nobis conspiciendum exhibeant etiam non requisiti.

Sacerdotes non interessentes hujusmodi conferentiis sine causa legitima per Nos probanda multabuntur poenarum librarum ceræ albæ elaboratæ applicanda illi Parochiali, ad quam convenire debebant; non Sacerdotes verò ab ulterioribus Ordinibus suscipiendis arcebuntur.

C A P U T XXI

De Contractibus, & Usuris.

Cum callidissimus humani generis hostis sub pietatis pallio nonnullorum circumveniens simplicitatem, eosdem ad Usurarios ~~conveniens~~ ^{quosque} ~~quosque~~ ^{pro} ~~improbato~~, & damnatos impellat: ut deceptoris artes, quantum in Domino possumus, eludamus; sequentes contractus, qui, ut profertur, in hac Civitate, & Diœcesi fieri solent, damnare visum est, & prohibere.

Pecuniam negotiationi expositam dare ad interesse, seu ad usuram cum correspondentiæ unius carolensis in mensis pro quolibet ducato est prorsus illicitum, & damnata usura. Quare interessatum declaramus excedere non debere summam ducatorum septem in anno pro quolibet centenariis. Et contrahentes obligatos esse ad restitutionem, necnon puniendos tanquam usurarios.

Merces carius vendere, ultra scilicet altum, & rigorosum pre-

pretium earundem ob dilatam solutionem, aut viliùs emere; infra videlicet benignum, & infimum pretium ob anticipatam solutionem, est illicitum.

Fabas dare tempore hyemis ad pretium frumenti, easque recipere tempore messis ad pretium tunc currens nullo habito respectu ad novi tritici pretium est prorsus illicitum. Idcirco, qui fabas dant tempore hyemis, dummodo alioquin essent eas servaturi, stare debeant liquidationi earundem in mense Martio faciendæ, & debitorem non obligare ad fabas restituendas; liberum nanque erit debitori vel in fabis, vel in pecunia satisfacere juxta regulam Juris Canonici *in alternativis debitoris est electio*. Quod si liberè fuerit conventum de restitutione in fabis faciendâ, easdem computare debebunt creditores ad pretium juxta vocem faciendam, aut currens tempore, quo fit, aut faciendâ est solutio, & non aliter.

Blada dare tempore hyemis ad pretium liquidandum in hac Civitate in mense Maio, si ipsa servanda essent usque ad dictum tempus, & nova recipere juxta vocem, quæ fit Foggia in mense Augusto cum deductione vecturæ, & expensarum, quæ fieri deberent, si asportanda essent in dictam Civitatem, dummodo realiter, & cum effectu non asportentur, illicitum esse declaramus.

Dare pecuniam mutuò indigenti cum pignore frugifero pro securitate solutionis; fructus ex pignore percepti computandi sunt in extinctionem fortis principalis; aliàs erit contractus usurarius. Sicuti contractus vulgò nuncupatus *a godere*, *a godere* usurarius est. Qui quidem contractus licitus esse poterit, si interveniat titulus verus, & realis, cujus ratione pecunia, quæ de se sterilis est, fructifera reddatur, puta emptionis cum pacto retrovendendi, aut census. Quo titulo interveniente realiter tantum, & non apparenter creditor sibi retinere poterit portionem fructus duntaxat correspondentem

tem pensioni licitæ ei debitam, & non plus; aliàs ad restitutionem tenebitur.

Pañum legis commissoriæ, quod in eo consistit, quod si debitor tempore statuto non solvat, incidat in commissum, id est jus amittat rei oppignoratæ: quotiescunque pretium rei oppignoratæ mutuatæ pecuniæ valorem excedat; damnamus, & improbamus, & multò magis si res oppignorata fuerit frugifera. Idcirco mutans in casu ad restitutionē teneretur, ne dum valoris pignoris pecuniam mutuatam excedentis, verùm etiam fructuum ex pignore perceptorum.

Reliquos contractus hîc non expressos alioquin usurarios, aut usuram sapientes damnamus, & improbamus non solum; imò etiam nullius esse roboris, sicut & illos a Nobis expressos, etiam si essent juramento firmati; volumus, & declaramus. Præcipientes Notariis, Tabellionibus, aliisque usurariæ pravitatis quomodolibet participibus, ne audeant hujusmodi contractibus interesse, aut stipulare sub pœnis contra eosdem usurarios latis. Quos pariter obligamus ad denunciandum Nobis præfatos contractus unâ cum personis contrahentibus, ut in ipsos, ut par est, animadvertere valeamus.

Manifesti usurarii, de quibus scilicet publica vox, & fama, necnon certa sunt indicia, quod in contractibus, & mutuo usuram sive realem, sive palliatam commiserint, post mortem sepultura Ecclesiastica privabuntur: & in vita, si monitionibus præmissis non resipuerint, & usurariè percepta non restituerint, excommunicationi majori Nobis reservatæ supponentur.

Hortamur denique in Domino, & monemus omnes, & singulos quomodolibet contrahentes, aut pecuniam mutuantes, ut in negotiationibus suis conscientiam

propriam cautè tueantur : & antequàm contrahant , viros doctos , & probos consulant , ut justitiam servant , & æqualitatem , ne propter temporale lucrum , quod citò evanescit , æternum , quod nunquam decedit , miserè perdant.

CAPUT XXII

De Punctatoribus , & Punctatione.

IN qualibet Ecclesia Collegiata, sive Conventuali tum Civitatis , tum Diocesis eligantur per annum duo Punctatores, alter ab Episcopo in Cathedrali Ecclesia ; alter a Capitulo ; in aliis vero Ecclesiis ab illis , ad quos de jure spectat , aut de consuetudine , qui sint fideles , & Choro assidui , qui ve juramentum de rectè officium obeundo in manibus Episcopi , & Cleri respectivè dare teneantur.

Horum officium erit punctare absentes a servitio Chori cum clara , & distincta adnotatione diei absentie non per lineas , sed per figuras arithmeticas : necnon horarum canonicarum , quibus non interfuerunt , aut defectus , ratione cujus poena punctationis sunt multandi ; ut in casu gravaminis quilibet se defendere queat , & his diligentis adhibitis , & cautelis jurgia vitentur inter Punctatores , & Punctatos.

Singulis hebdomadis libros punctationum inter se conferant , ne error aliquis , aut diversitas , quæ dissensiones , & similitates parere possit , in ipsis subrepat . Sicut & qualibet semora personarum acceptione munus suum fideliter , & cum zelo exequantur , ne servitium Divinum , ad quod promovendum beneficia , & portiones

nes Ecclesiasticæ sunt instituta, minuatur.

Quod si in id negligentes, aut partiales comperti fuerint; per Rectorem Chori quotidiana distributione unius hebdomadæ omnimodè mulcentur. Reliqua Decreta in Synodo tertia *Matta*, & in Statutis Ecclesiarum punctaturas concernentia observata volumus, & mandamus.

Hæc sunt, quæ ad Dei gloriam, hujus Sanctæ Severopolitanæ Ecclesiæ decus, & Animarum Nobis commissarum Spiritualem profectum maturo cōsilio stabilenda censuimus. Ad quorum observantiam, & executionem, sicut omnes, & singulos respectivè hortamur in Domino, & monemus; ita eisdem obtestamur, ut profelici, ac tranquillo statu Sanctæ Romanæ Ecclesiæ, cujus judicio, & correctioni hæc omnia religiose subijcimus, Sanctissimi Domini Nostri Papæ Clementis XI incolumitate, Augustissimi Imperatoris, & Regis Nostri Caroli VI prosperitate, ac pro nostrorum tandem remissione peccatorum crebras ad Deum non dedignentur effundere preces.

*F. ADEODATUS Episcopus S. Severi, & Civitatis
ita definiens subscripsi.*

Locus Sigilli.

U. J. D. Joseph Can. Bellini Synodi Secr.

I 2

IN

IN DEI NOMINE AMEN.

Praesenti hoc publico Instrumento cunctis ubique pateat evidenter, & notum sit, qualiter in prima sessione pro Synodo celebranda habita in Ecclesia Cathedrali hujus Civitatis S. Severi die Mercurii, trigesima proximi praeteriti mensis Octobris millesimi septingentesimi vigesimi, de mane post Missam cantatam a Reverendiss. Domino U. J., & Sac. Theologia Doctore D. Nicolao Fania Canonico Poenitentiario, & Vicario Generali Illustrissimi, & Reverendissimi Domini Fratris Adeodati Summantici Ordinis Eremitarum S. Augustini Episcopi hujusmet Civitatis S. Severi, & Civitatem, stante angustia dolorum calculorum praefati Illustriss. D. Episcopi, idem Illustriss., & Reverendiss. Dominus sermonem habuit Reverendissimo Capitulo, & Clero tam urbano, quam foraneo respectivè per Edictum vocato, & legitimè in ipsa Cathedrali Ecclesia congregato. Et persolutis precibus in Pontificali Romano praescriptis fuerunt lecta a Perillustri, & Admod. Rev. U. J. D. Canonico D. Josepho Bellino Abbate insulato, & Synodi Secretario Decreta preliminaria, & fuerunt electi, ac deputati Examinatores, & Judices Synodales, a quibus praestitum fuit juramentum de fideliter respectivè exercendo munus: interrogatisque omnibus, si haberent quid contradicere; responderunt una voce Placet. Postea fuit lectum Decretum de Fidei Professione, quae fuit emissæ ab omnibus, & singulis, qui ad eam tenebantur, & continuata fuit lectio Decretorum Synodaliū usque ad Sacramentum Matrimonii inclusivè. Die verò trigesima prima ejusdem mensis Octobris in secunda Sessione post cantatam Missam a Perillustri Admod. Rev. Domino Archidiacono D. Nicolao Scortia U. J. D.

D., ac precibus absolutis in ipso Pontificati præscriptis fuit continuata lectio ipsorum Decretorum, & terminata: & Decreta ipsa ab Illustrissimo, & Reverendissimo Domino Episcopo fuerunt subscripta. Tandem ob horæ tarditatem fuit procrastinata tam Processio pro gratiarum actione, quàm vocatio totius Cleri ad obedientiam. Quibus quidem Decretis Synod alibus, ut supra lectis, & alta, ac intelligibili voce per præfatum Dominum Secretarium publicatis, interrogatis omnibus, si haberent quid contrarium responderunt omnes Placet. Deinde hoc mane die prima Novembris conveniētiis omnibus facta fuit Processio pro gratiarum actione, & vocati omnes fuerunt ad obedientiam, quæ præstita Illustriss., & Reverendiss. Dominus Episcopus solemnem dedit benedictionem, & lectum fuit Decretum de discessu.

Quibus peractis requisiti fuimus, ut unum, plurave conficere deberemus instrumentum, seu instrumenta, prout opus fuerit, & requisiti erimus.

Actum, ut supra, in Ecclesia Cathedrali S. Severi hac die prima mensis Decembris, 1740, Indictione 13 præsentibus, audientibus, & intelligentibus Magnificis Nicolao Rossi, Jacobo Patientia, & Placito de Santis testibus ad hæc specialiter vocatis, habitis, atque rogatis, &c. Unde in præmissorum fidem de prædictis omnibus rogatus, & requisitus hic me subscripsi, & meo Signo signavi.

Ita est Abbas D. Augustinus Cozzinus Notarius Apostolicus, & in Archivio Romano adscriptus.

Locus Signi.

AP.

APPENDIX

A D S Y N O D U M.

Instructio pro Confirmandis.

Publicato Edicto de Sacramento Confirmationis per Episcopum ministrando, hortentur Parochi populum, ut utriusque sexus filios, qui septimum ad minus annum attigerunt, ad Sacramentum hoc suscipiendum mittat.

Moneant, ne Confirmandi fronte sordida, & capillis incompositis accedant, necnon Patrini cum armis, & Matrinx nisi pectore velato.

Ut confusiones vitentur, curent, ut mares cum suis Patrinis in parte dextera Confirmandis, & feminae in sinistra se presentent. Et ceteri adstantes circulum ingredi non audeant, sed extra ipsum reverenter, & devotè ministratiori hujusce Sacramenti assistant.

Interessentes, dum præsertim recitantur preces, & gratia invocatur Spiritus Sancti, singuli genuflectant, & religiosè meditentur singulare beneficium fidelibus relictum a Domino, quod per hoc Sacramentum Confirmandis confertur.

Confirmati, & eorum Patrini ab Ecclesia non discedant, nisi post acceptam benedictionem, & descriptis eorum nominibus per Parochum, aut ejus Oeconomum in libro ad id deputato.

*Instructio pro admittendis ad Sacram Communionem
pro prima vice.*

Non admittantur ad sacram Communionem , nisi adulti rudimenta Fidei callentes , & Parochi eos doceant, quæ credere tenentur de hoc Augustissimo Sacramento , videlicet Christum Dominum cum Anima, & Corpore , Carne, & Sanguine , Humanitate, & Divinitate esse realiter præsentem sub speciebus panis, & sine sui divisione esse in tota Hostia , & in qualibet parte ejusdem .

Moneant teneri prius Sacramentali Confessione mundare animam a peccatorum sordibus, ut dignè recipiant Corpus Christi; aliter gratiam Sacramentalem, ceterosq; hujus divinissimi Sacramenti fructus non suscepturos; imò potius Sacrilegium commissuros; necnon accedere debere ad Altare cum recta, & sincera intentione sumendi Corpus Christi Sacramentum, & non, ut videantur præcepto Sacramentalis Communionis satisfacere.

~~Eodem homine, ut post Communionem~~ ad minus per horam vacent orationi: & gratias reddant Majestati Divinæ, quæ sua ineffabili Misericordia propriis carnibus nutrire dignata est suas animas: & suppliciter petant auxilia ad tentationes vincendas, præcavenda in posterum peccata, ad Fidei confirmationem, spei stabilimentum, & augmentum charitatis, ut reliquum suæ vitæ tempus in servitio Divino, & pietatis impendant operibus; & sic ad æternam beatitatem post temporalis vitæ cursum perveniant.

*Decretum Sacrae Congregationis Cardinalium Sacri
Concilii Tridentini interpretum circa Commu-
nionem quotidianam.*

Cum ad aures SS. D. N. fide dignorum testimonio pervenerit in quibusdam Diocesisbus vigere usum 'quotidianæ' Communionis etiam in feria sexta in Parasceue, & simul affirmari eandem quotidianam Communionem præceptam esse a jure Divino: quin etiam in illius administratione aliquos abusus inolevisse, videlicet, quod aliqui non in Ecclesia, sed in privatis Oratoriis, & domi; imò cubantes in lecto, & non laborantes ulla gravis infirmitatis nota, fumant sacrosanctam Eucharistiam, quam argentea theca inclusam in crumena, aut secreto illis deferunt Sacerdotes Seculares, aut Regulares, aliisque in Communionem accipiant plures formas, ac particulas, vel grandiores solito: ac tandem qui confiteatur peccata venialia simplici Sacerdoti non approbato ab Episcopo, aut Ordinario. Cum autem hæc Sanctissimus consideranda commiserit Sacrae Congregationi Cardinalium Concilii Tridentini interpretum, eadem Sacra Congregatio prævia matura discussioni super prædictis, unanimes sententia ita censuit: *Et si frequens, quotidianusque Sacrosanctæ Eucharistiæ usus a Sanctis Patribus fuerit semper in Ecclesia probatus; nunquam tamen, aut sæpius illam percipiendi, aut ab ea abstinendi certos singulis mensibus, aut hebdomadis dies statuerunt. Quos nec Concilium Tridentinum præscripsit, sed quasi humanam infirmitatem tecum reputaret, nihil præcipiens, quid cuperet, tantum indicavit, cum inquit: Optaret quidem Sacrosanctæ Synodus, ut in singulis Missis fideles adstantes Sacra-*
men-

mentali Eucharistiæ perceptione communicarent. Idque non immeritò; multiplices enim sunt conscientiarum recessus, variæ ob negotia spiritus alienationes: multæ e contra gratiæ, & Dei dona parvulis concessa, quæ cùm humanis oculis scrutari non possimus, nihil certi de cujusque dignitate, atque integritate, & consequenter de frequentiori, aut quotidiano vitalis panis esu potest constitui. Et propterea, quod ad negotiatores ipsos attinet, frequens ad Sacram alimoniam percipiendam accessus Confessariorum, secreta cordis explorantium judicio est relinquendus, qui ex conscientiarum puritate, & frequentiæ fructu, & ad pietatem processu laicis negotiatoribus, & conjugatis, quod prospicient eorum salutis profuturum, id illis præscribere debebunt. In conjugatis autem hoc amplius animadvertant. Cùm Beatus Apostolus nolit eos invicem fraudari, nisi fortè ex consensu ad tempus, ut vacent orationi; eos seriò admoneant tantò magis ob Sacratissimæ Eucharistiæ reverentiam continentiæ vacandum, puriorque mente ad ~~Cœlestium epularum~~ Communionem esse conveniendum. In hoc igitur Pastorum diligentia ~~potissimum~~ invigilabit, non ut a frequenti, aut quotidiana Sacra Communionis sumptione unica præcepti formula aliqui deterreantur, aut sumendi dies generaliter constituantur; sed magis quid singulis permittendum per se, aut Parochos, seu Confessarios sibi decernendum putet. Illudq; omnino provideat, ut nemo in Sacro Convivio, seu frequentè, seu quotidie accefferit, repellatur; & nihilo minus det operam, ut unusquisque dignè pro devotionis, & præparationis modo rariùs, aut crebriùs Domini corporis suavitatem degustet. Itidem Moniales quotidie Sacram Communionem petentes admonendæ erunt, ut in diebus ex earum Ordinis instituto præsti-

K

tutis

tutis Communicet; siquæ verò puritate mentis eniteant, & fervore spiritus ita incaluerint, ut dignæ frequentiori, aut quotidiana Sanctissimi Sacramenti perceptione videri possint, id illis a Superioribus permittatur. Proderit etiam præter Parochorum, & Confessariorum diligentiam, opera quoque Concionatorum uti, & cum eis constitutum haberi, ut, cum fideles ad Sanctissimi Sacramenti frequentiam (quod facere debent) accenderint; statim de magna ad illud sumendum præparatione orationem habeant, generatimque ostendant eos, qui ad frequentiore, aut quotidianam salutiferi Cibi sumptionem devoto studio excitantur, debere, siue laici negotiatores sint, siue conjugati, siue quicunque alii, suam agnoscere infirmitatem, aut dignitate Sacramenti, ac Divini judicii formidine discant Celestem mensam, in qua Christus est, revereri: &, si quando se minus paratos senserint, ab ea abstinere, seque ad majorem præparationem accingere. Episcopi autem, in quorum Diocesis viget hujusmodi devotio ergo Sanctissimum Sacramentum, pro illa gratias Deo agant, eamque ipso adhibito prudentiæ, & judicii temperamento alere debebunt, & ab eorum officio postulari sibi maximè persuadebunt nulli labori, aut diligentiae parcendum, ut omnis irreverentia, & scandali suspicio in veri, & immaculati Agni perceptione tollatur, virtutesque, ac dona in sumentibus augeantur. Quod abundè continget, si ii, qui devotè hujusmodi studio, divina præstante gratia, tenentur, seque Sacratissimo Pane frequentius reficere cupiunt; suas vires expendere, seque probare cum timore, & charitate assueverint. Quibus Christum Dominum, qui se fidelibus manducandum, & se pretium in morte tra-

tra-

tradidit, atque in Cœlesti Regno se præmium est daturus, precatur Sacra Congregatio, ut suam operæ ad dignam præparationem, & sumptionem largiatur. Porro Episcopi, & Parochi, seu Confessarii redarguant asserentes Communionem quotidianam esse de jure Divino: doceant, in Ecclesiis, seu Oratoriis privatis ex dispensatione, seu privilegio Pontificis de manu Sacerdotis sumendam Sanctissimam Eucharistiam, nec eam ullo modo deferendam in crumena, aut secretò ad existentes domi, vel cubantes in lecto, præterquam ad infirmos, qui ad illam suscipiendam ad loca prædicta accedere non valeant: & ad eos, si ab Ecclesia, deferatur publicè, & cum pompa juxta formam Ritualis Romani; si verò ab Oratorio privilegiato, cum forma decenti. Current etiam, ut circa Communionem in feria sexta in Parasceue Missalis, Rubricæ, & Ecclesiæ Romanæ usus serventur. Insuper admoneant nulli tradendas plures Eucharistiæ formas, seu particulas, neque grandiores, sed consuetas. Non permittant, ut ~~venialium Confessio fiat simpliciter Sacerdoti non approbato~~ ab Episcopo, aut Ordinario. Si Parochi, & Confessarii etiam Regulares, aut quicunque alii Sacerdotes secus egerint; sciant Deo optimo maximo rationem reddituros esse, neque defuturam Episcoporum, & Ordinariorum justam, rigoris animadversionem in contrafacientes etiam Regulares, etiam Societatis Jesu; facultate ipsis Episcopis, & Ordinariis per hoc Decretum per Sedem Apostolicam specialiter attributa.

Et facta de præmissis omnibus, ac de verbo ad verbum relatione Sanctitas Sua approbavit, ac præsens Decretum typis dari, ac publicari voluit. In quorum, &c. Datum Romæ 12. Februarii 1679. Fr. Card. Columna Præf. S. Archiep. Brancacius Secret.

FIDES REQUISITORUM PRO PROMOVEDIS.

PRO PRIMA TONSURA.

- I **D**E Baptismo, Natalibus, & Ætate.
- II De Confirmatione.
- III De Vita, & Moribus, Doctrinæque Christianæ frequentatione.
- IV De Schola.
- V De Denunciatione nominis, & desiderii facta in Ecclesia suæ Parochiæ.

PRO MINORIBUS ORDINIBUS.

- I **D**E Prima Tonsura, & ultimo Ordine suscepto.
- II De Vita, & Moribus, & habitus Clericalis gestatione.
- III De Frequenti perceptione Sacræ Communionis.
- IV De Frequentatione Doctrinæ Christianæ.
- V De Exercitio ordinum susceptorum, & Servizio Ecclesiæ, cui est adscriptus; præstito; nisi studiorum causa absit.
- VI De Schola, & associatione Sanctissimi Viatici.
- VII De Frequentatione Casuum conscientiæ.

PRO SUBDIACONATU.

- I **D**E Ultimo Ordine suscepto.
- II De Denunciationibus in Ecclesia Parochiali factis tam quoad nomen, & desiderium personæ ordinandæ, quàm quoad Beneficium, seu Pensionem, seu Patrimonium, & de pacifica Possessione ejusdem.
- III De

- III De Ætate viginti duorum annorum inceptorum.
- IV De Ordinis suscepti Exercitio, & Servitio Ecclesiæ, cui est adscriptus, præstito, & Clericalis habitus gestatione.
- V De Frequentatione Sacræ Communionis, & Associatione Sanctissimi Viatici.
- VI De Natalibus, Vita, & Moribus, Doctrinæque Christianæ frequentatione, & de Exercitiis spiritualibus.
- VII De Frequentatione collationum Casuum conscientiæ.
- VIII De Titulo, ad quem ordinari petit, ejusque pacifica Possessione, & fructuum inde perceptione.

PRO DIACONATU.

- I DE Ordine Subdiaconatus suscepti.
- II De Denunciationibus, ut supra.
- III ~~De Ætate viginti trium annorum inceptorum.~~
- IV De Subdiaconatus Exercitio, & Servitio Ecclesiæ, cui est adscriptus, præstito, & Clericalis habitus gestatione.
- V De Frequentatione Sacræ Communionis, & Associatione Venerabilis.
- VI De Natalibus, Vita, & Moribus, Doctrinæque Christianæ frequentatione.
- VII De Frequentatione Casuum conscientiæ, & de Exercitiis spiritualibus.
- VIII De Titulo, ad quem ordinari petit, ejusque pacifica Possessione, & fructuum inde perceptione.

PRO

PRO PRESBYTERATU.

- I **D**E Ordine Diaconatus suscepti.
- II De Denunciationibus, ut supra.
- III De Etate viginti quinque annorum inceptorum.
- IV De Exercitio Ordinis Diaconatus in Ecclesia, cui est adscriptus, & Clericalis habitus gestatione.
- V De Frequentatione Sacrae Communionis, & Associatione Venerabilis.
- VI De Natalibus, Vita, & Moribus, Doctrinaeque Christianae frequentatione, de Exercitiis spiritualibus.
- VII De Frequentatione collationum Casuum conscientiae.
- VIII De Titulo, ad quem ordinari petit, ejusque pacifica Possessione, & fructuum inde perceptione.

*Instructio pro examine illorum testium, qui inducuntur
pro contrahendis Matrimonii, ex Decreto Sacrae
Congregationis Sancti Officii sub die 21
Augusti 1670.*

- I **I**N primis testis moneatur de gravitate Juramenti in hoc praesertim negotio pertimescendi, in quo Divina simul, & humana Majestas laeditur ob rei, de qua tractatur, importantiam, & gravitatem, & quod imminet poena trirremium, & fustigationis deponenti falsum.
- II Interrogetur de nomine, cognomine, patria, aetate, exercitio, & habitatione.
- III An sit Civis, vel exterus: & quatenus sit exterus,

rus, quanto tempore est in loco, in quo testis ipse deponit.

IV An ad examen accesserit sponte, vel requisitus. Si dixerit accessisse sponte a nemine requisitum, dimittatur; quia prælumitur mendax. Si verò dixerit accessisse requisitum; interrogetur a quo, vel a quibus, ubi, quando, quomodo, coram quibus, & quoties fuerit requisitus, & an sciat adesse aliquod impedimentum inter contrahere volentes.

V Interrogetur, an sibi pro hoc testimonio ferendo fuerit aliquod datum, promissum, remissum, vel oblatum a contrahere volentibus, vel ab alio ipsorum nomine.

VI Interrogetur, an cognoscat ipsos contrahere volentes, & a quanto tempore, in quo loco, qua occasione, & cujus qualitatis, vel conditionis existunt.

VII Interrogetur, an contrahere volentes sint Cives, vel exteri. Si responderit esse externos; supersedeatur in licentia contrahendi, donec per literas Ordinarii ipsorum contrahere volentium doceatur de eorum libero statu, ~~de eo tempore, quo permanserunt in sua Civitate, vel Diocesi.~~ Ad probandum verò eorundem contrahere volentium statum liberum pro reliquo temporis spatio, scilicet usque ad tempus, quo volunt contrahere; admittantur testes idonei, qui legitime, & concludenter deponant statum liberum contrahere volentium, & reddant sufficientem rationem causæ eorum scientiæ absque eo, quod deferre teneantur attestations Ordinariorum locorum, in quibus contrahere volentes moram traxerunt.

VIII Interrogetur sub qua Parochia hætenus contrahere volentes habitarint, vel habitent de præsentī.

IX Item, an ipse testis sciat aliquem ex prædictis contrahere volentes.

trahere volentibus quandoque habuisse uxorem, vel maritum, aut professionem fecisse in aliqua Religione approbata, vel suscepisse aliquem ex Ordinibus Sacris, Subdiaconatum scilicet, Diaconatum, vel Presbyteratum, vel habere aliud impedimentum, ex quo non possit contrahi Matrimonium.

Si verò testis responderit non habuisse uxorem, vel maritum, neque aliud impedimentum, ut supra.

X Interrogetur de causa scientiæ, & an sit possibile, quod aliquis ex illis habuerit uxorem, vel maritum, vel aliud impedimentum &c., quod ipse testis nesciat.

Si responderit affirmativè, supersedeatur, nisi ex illis testibus probetur concludenter non habuisse uxorem, vel maritum, neque ullum aliud impedimentum &c. Si verò responderit negativè.

XI Interrogetur de causa scientiæ, ex qua deinde Judex colligere poterit, an testi sit danda fides.

Si responderit contrahere volentes habuisse uxorem, vel maritum, sed esse mortuos.

XII Interrogetur de loco, & tempore, quo sunt mortui, & quomodo ipse testis sciat fuisse conjuges, & nunc esse mortuos. Et, si responderit mortuos fuisse in aliquo Hospitali, vel vidisse sepeliri in certa Ecclesia, vel occasione militiæ fuisse sepultos a militibus, non datur licentia contrahendi, nisi prius recepto testimonio authentico a Rectore Hospitalis, in quo prædicti decesserunt, vel a Rectore Ecclesiæ, in qua humata fuerunt eorum cadavera, vel si fieri potest, a duce illius cohortis, in qua descriptus erat miles. Si tamen hujusmodi testimonia haberi non possunt; Sacra Congregatio non intendit excludere alias probationes, quæ de jure cōmuni possunt admitti, dum modo sint legitimi, & sufficētes.

XIII In-

XIII Interrogetur, an post mortem dicti conjugis defuncti aliquis ex prædictis transierit ad secunda vota.

Si responderit negativè

XIV Interrogetur, an esse possit, quod aliquis ex illis transierit ad secunda vota absque eo, quod ipse testis sciat. Si responderit affirmativè, supersedeatur a licentia, donec producantur testes, per quos negativa coarctetur concludenter. Si verò negativè

XV Interrogetur de causa scientiæ, qua perpensa Judex poterit judicare, an sit concedenda licentia, nec ne.

Si contrahentes sint vagi, non procedatur ad licentiam contrahendi, nisi doceant per fides Ordinariorum suorum esse liberos, & in aliis servata forma Concilii Tridentini in cap. Multi sess. 24.

Fides, aliaque documenta, quæ producuntur de partibus, non admittantur, nisi sint munita sigillo, & legalitate Episcopi Ordinarii, & recognita saltem per testes, qui habeant notam manum, & sigillum; & attentè consideretur, quod fides, seu testimonia bene & concludenter identificentur personis, de quibus agitur.

Pro testibus in hac materia recipiantur magis consanguinei; quia præsumuntur melius informati, & ciues magis, quam exteri, nec admittantur homines vagi, & milites, nisi data causa, & maturo consilio. Et Notarius exactè describat personam testis, quem si cognoscit, utatur clausula *Mibi bene cognitum*; sin minus, examen non recipiat, nisi cum persona testis aliqua alia cõpareat cognita Notario, & quæ attestetur de nomine, & cognomine ipsius testis, nec non de idoneitate ejusdem ad testimonium ferendum. Et hujusmodi examinibus debent interesse in Urbe ultra Notarium Officiales specialiter deputandi ab Eminentissimo Vicario, & extra Ur-

L

bcm

hem, vel Vicarius Episcopi, vel aliqua alia persona insignis, & idonea specialiter ab Episcopo deputanda; aliàs puniatur Notarius arbitrio Sacræ Congregationis, & Ordinarius non permittat fieri publicationes.

Ordinarii præcipiant omnibus, & singulis Parochis in eorum Diocæsis existentibus, ut pro Matrimonii cum exteris contrahendis non faciant publicationes in eorum Ecclesiis, nisi certiorato Ordinario, a quo, vel ejus Generali Vicario prius teneantur Authenticam reportare, quod pro tali Matrimonio fuerint examinati testes in eorum tribunali, qui probant statum liberum contrahere volentium.

Contravenientes autem severe puniantur.



I N D E X

C A P I T U L U M.

I Dictum indictioem Synodi.	fol. 3
Decretum electionis Examinatorum Synodaliū.	8
Item Judicium Synodaliū.	9
De Fide Catholica, ejusque professione Cap. I.	10
De Sacramentis in genere Cap. II.	14
De Sacramento Baptismi Cap. III.	15
De Sacramento Confirmationis Cap. IV.	19
De Augustissimo Eucharistiae Sacramento Cap. V.	20
De Sacrificio Missae Cap. VI.	26
De Sacramento Pœnitentiae Cap. VII.	29
Casus cum Excommunicatione annexa.	32
Casus sine Excommunicatione annexa.	34
De Sacramento Ordinis Cap. VIII.	35
De Sacramento Extremae Unctionis Cap. IX.	38
De Sacramento Matrimonii Cap. X.	40
De Parochis, & Parochialibus Ecclesiis Cap. XI.	43
De Divinis Officiis, & Principali Chœrali Cap. XII.	47
De Decimis Cap. XIII.	49
De Festorum, & Jejunii observantia Cap. XIV.	51
De Vita, & honestate Clericorum Cap. XV.	52
De Monialibus Cap. XVI.	54
De Seminario Cap. XVII.	58
De Confraternitatibus Laicorum Cap. XVIII.	59
De Notariis Cap. XIX.	60
De Lectione Sacrae Scripturae, & Casuum Conscien- tia Cap. XX.	61
De Contractibus, & Usuris Cap. XXI.	63
De Punctatoribus, & punctatione Cap. XXII.	66

I N D E X

A P P E N D I C I S :

I <i>N</i> stru ^{ti} o pro Confirmandis:	fol. 70
<i>I</i> nstru ^{ti} o pro admittendis ad Sacram Communionem pro prima vice.	71
<i>D</i> ecretum Sac. Congregationis Cardinalium S.C.T.	
<i>I</i> nterpretum circa Communionem quassidianam.	72
<i>F</i> ides requisitorum pro Promovendis.	76
<i>I</i> nstru ^{ti} o pro examine illorum testium, qui inducuntur pro contrahendis Matrimoniis ex Decreto Sacre Congregationis Sancti Officii sub die 21 Augusti 1670.	78

F I N I S.

*M*ENDA *E*MENDA.

illis	illi	pag. 19 vers. 28
discessarum	discissarum	pag. 52 vers. 21

162
E
17

